

魏  
南  
林  
園

~ 16  
2695  
1



~16  
2595  
1-8



序

而



域中之言高者必推尊乎獄言深者必  
溯源於河能兼是兩者而有之惟師道  
則然耳今世凡號為弟子執一經遊於  
先生之門偶得其心之所服即謂高與  
深已在是矣然虛歸以名而實或不至

昭和十年  
一月十二日  
麟末

及覩夫所謂巍巍之高與洋洋之深乃  
倘乎自失始信古今惟一嶽斯真高惟  
一河斯真深固非寸壤之所能衡尺澤  
之所能量也自山海之喻創自子輿千  
古而下信爲篤論知夫師道之尊能兼  
是高與深而有之者亦唯道誼耳文章  
耳凡天生大賢以爲世用所鍾者必積  
數百年山川秀美方得尤異之品挺出  
其間在朝則有嶷然以端著著爲典型  
在野則有侃乎其正者表爲矜式措一  
履如金玉之重吐一辭如雲日之華無  
論爲進爲退其道誼必爲有用之道誼

文章必爲有用之文章斯高深之名所  
由允當而無媿也 大司成梅村吳夫  
子以弱冠受特達知選南宮第一居石  
渠天祿間者復十餘年凡典冊制誥之  
文多所裁定黜浮崇雅一時推爲鴻文  
大章雖宿居盛名者亦交遜以爲弗及  
主楚闈稱最得士絃雖謗劣亦忝收入  
藥籠者也

聖朝龍興

天子雅尚文學求山澤遺逸虛左席以待  
之居成均者歷年聚海內英譽辨論異  
同環橋門而觀聽者數千計雨化所被

號曰彬彬

天子不時臨雍垂問每有獻納輒當

上旨改容而禮不覺席之前也亡何以省

養歸里雖四方問字者接踵至然閉門  
好修吟咏自若其道誼日隆文章日富  
殆高者益莫測其高深者益莫測其深

矣顧子潛名宿之裔亦婁東人夙遊司  
成公之門密邇私淑居恒每得嘉言懿  
行必筆而書之珍藏於笥積有年得詩  
若干首得文若干篇既成帙謀梓而行  
之公諸海內以紘旣受知於公且適宦  
茲土表章之責抑無容辭乃推與分任

且見屬以題辭昔尼山之門人雖英敏  
秀達所受不過一經乃顧子固能兼而  
緝之反覆校定經歷歲年燦然明備可  
謂勤矣至刪定筆削雖游夏尚不能贊  
一辭序述之功綏奚敢任惟是古今斯  
文之運興始西北漸迤東南自江左風


流微肇其端迄乎紫陽則道誼文章實  
備厥美近三吳數百年間若瑯邪若虞  
山鼓吹其間後先不絕司成公集以有  
成文信在茲匪阿所好夫

天子既以爲人師於是海內師之傳之後  
世亦莫不師之綏與顧子亦惟共仰以

為嶽之高共沐以為河之深而已又何能復贊一辭哉時

康熙八年歲次巳酉仲夏分管漕務督理蘇松常鎮糧儲兼巡視漕河江南布政使司左參政加六級楚蘄受知

及門盧紘頓首謹撰



序  
往歲戊戌梅村先生年五十瑚嘗頌之以詩而竊擬先生於子美退之時人聞之皆以瑚為知言也越十年而為戊申先生著作日富門弟子顧伊人輩裒集其詩文四十卷刻而行之工將竣先生



以書來告曰君知我深序莫如君宜先  
生之詩文向固以爲子美退之者也世  
有子美退之其人而得弁言於其文字  
之首可不謂大榮歟而又何敢以不文  
辭憶瑚燥髮時先生以制舉義冠南宮  
反天下程文腐爛之弊而振之以東西

兩漢唐宋八家之學一時號稱得人是  
時先生之文家弦戶誦雖深山幽谷兒  
童婦女莫不耳熟先生之姓名者海內  
士子始蒸蒸漸進於古人之業先生之  
功在儒林蓋已久矣三十年來閉戶却  
掃紬二酉四庫之藏擷其菁華而見之

詞章其爲詩古文辭遂造於精微奧博  
之域世雖有秘爲中郎枕中物者要其  
全集尚未有專刻也然則伊人之爲是  
役也吾黨之志也天下之望也豈非千  
古之盛事哉瑚聞之詩以足志文以足  
言言之不文行而不遠故人之有文如

龍之有鱗鳳之有羽龍鳳之所以振拔  
於其族者固不在乎區區鱗羽之間而  
非鱗羽則不成其爲龍與鳳也六經以  
後詩莫妙於蘇李而齊梁以降相率爲  
俳優之調而詩衰矣子美起而別裁僞  
體而詩於是乎一盛文莫工於班馬而


魏晉以還相競爲浮靡之習而文衰矣  
退之出而剗削陳言而文於是乎一盛  
是二人者人文之大成後學之宗師也  
然荀卿嘗以爲藝之至者不兩能是故  
子美無退之之文而退之之詩則亞於  
子美求其兼而有之蓋幾幾乎其難哉

王介甫有言悲歡窮泰發歛抑揚疾徐  
縱橫無施不可或綺麗而精深或風流  
而醞藉或嚴重如百萬之師或奮迅如  
千里之駿此子美之詩也而先生之爲  
詩亦然李南紀有言汗瀾卓犖齋泫澄  
深詭然而蛟龍翔蔚然而虎鳳躍鏘然

陽序四  
而韶鈞鳴雄偉不常摧陷廓清之功比  
於武事此退之之文也而先生之爲文  
亦然噫嘻可謂兼而有之矣藝之至者  
其殆兩能之矣何其盛也何其盛也瑚  
故申十年以前之說而爲之序之如此  
先生間嘗謂瑚曰凡人之情食熊則肥

食蛙則瘦予獨不然向者悞嬰世網今  
得返其初服與二三知己詠白傅池上  
之篇讀啓期三樂之論優游歲月以老  
餘生於願足矣然則先生之恬淡冲和  
有得於中久矣宜其見於詩歌文字之  
間彌中而褻外此又讀其集者當自得

之而非瑚一人之臆說也同里年通家  
眷晚生陳瑚頓首拜題



梅村先生文集目錄卷上

後學 顧湄 編

卷第一 五言古詩二十一首

贈蒼雪 塗松晚發

讀吳匏庵手抄西臺慟哭記

壽王鑑明五十 松鼠

吳門遇劉雪舫 臨江參軍

贈願雲師 并序 避亂 六首

西田詩 四首 哭志衍

閩州行

贈楊學博爾緒

讀端清鄭世子傳

卷第二 五言古詩二十首

讀史雜詩

四首

又詠古

六首

遇南廂園叟

下相懷古

夜宿阜昌

贈家侍御雪航

題河渚圖送胡彥遠

送何省齋

送施愚山提學山東

三首 磬清湖

并序

卷第三 五言古詩二十首

清涼山讚佛詩

四首

石公山

歸雲洞

縹緲峰

林屋洞

送周子叔

四首

蕩子失意行

贈李雲田

丁未三月廿四日從山後過湖宿福源寺

廿五日偕穆苑先孫浣心葉予聞允文遊石

公山盤龍石梁寂光歸雲諸勝

天王寺看牡丹

揖山樓

答鹽官僧香海

直溪吏

臨頓兒

卷第四 七言古詩二十九首

行路難 十八首

永和宮詞

琵琶行 并序

雒陽行

宮扇

宣宗御用戲金蟋蟀盆歌

卞玉京彈琴歌

南生魯六真圖歌 并引

後東臯草堂歌

汲古閣歌

送志衍入蜀

清風使節圖歌 并引

卷第五 七言古詩一十八首

東萊行 為姜如農如須兄弟作

鴛湖曲

觀萬歲通天法帖

送徐次桓歸胥江

畫蘭曲

送杜崧武歸浦口

蘆洲行

捉船行

馬草行

題志衍畫山水

題蘇門高士圖 贈孫鍾元

壽總憲龔公芝麓

王郎曲

楚兩生行 并序

茸城行

贈吳錦雯

蕭史青門曲

董山兒

卷第六 七言古詩二十一首

送沈繹堂之官大梁 龍腹竹歌

送龔孝升出使廣東 雁門尚書行 并序

贈馮訥生教授雲中 雕橋莊歌 并序

海戶曲 退谷歌 贈同年孫公北海

贈文園公 畫中九友歌

銀泉山 田家鐵獅歌

題崔青蚓洗象圖 松山哀

臨淮老妓行 殿上行

過錦樹林玉京道人墓 并傳

悲滕城 打水詞 贈公

再觀打水詞 雪中遇獵

卷第七 七言古詩二十四首

曇陽觀訪文學博 贈陸生

吾谷行 圓圓曲 山水題詞

送杜于皇往武林兼簡曹司農范僉事

悲歌贈吳季子 織婦詞

贈穆大苑先 遣悶 六首



詠拙政園山茶花并引 短歌

題西巘顧侍御虎丘夜集圖

高涼司馬行贈孫孝若 魯謙庵索題虞山圖

九峰草堂歌并序 王石谷山水圖歌

京江送遠圖歌并序 沈文長雨過福源寺

錫山留別伯成明府

卷第八 五言律詩九十三首

穿山 玄墓謁剖公

過聞果師園居 游西灣

送繼起和尚入天台 蚤起

五月尋山夜寒話雨 瑜芬侍兒

溪橋夜話 感事

兔缺 織女

贈蒼雪若鏡兩師 蒼雪贈葉染道衣

送李友梅還楚 贈黃州杜退之

王瓜 豇豆

送照如師還吳門 初冬月夜過子俶

園居簡許九日 晚泊

題心函上人方庵

題傲上人代笠

南屏訪無生上人

簡武康姜明府 二首

夜泊漢口

曉粧

送友人還楚

送黃子羽之任 四首

讀史雜感 十首

贈徐子能 二首

初春夜坐

新霽喜孫令修至

送王子彥

遇舊友

偶值

呈座主李太虛師 八首

送穆苑先往桐廬 四首

曉發

客路

贈劉虛受 二首

苦雨

海溢

閩園詩

十首并序

課女

嘉湖訪霍魯齋觀察

四首

贈李秀州隆吉

野望 二首

送張孺高之官

冬霽

松化石

嘲張南垣老遇雛妓

破山寺僧鶴如 五首

園居

卷第九

五言律詩九十首

高郵道中 四首

清江聞

得廬山願雲師書

過姜給事如農

遠路

過東平故壘

旅泊書懷

黃河

桃源縣

膠州

白洋河

古城謁三義廟

項王廟

南旺謁分水龍王廟

送何石湖之官臨晉兼簡蒲州道嚴方公

送紀伯紫往太原 四首 送友人往真定

送純祐兄浙中藩幕

四首 分韻贈趙友沂 三首

病中別孚令弟 十首

再寄三弟 二首

容再送王玄照

送孫令修游真定

送周子俶張青瑀 六首

送沈旭輪判深州 四首

送王子彥南歸 四首

代州

送穆苑先南還 四首

送何蓉庵守贛州 四首

猿

橐駝

象

牛

葡萄

石榴

蘋蕪

文官果

冰

南苑春蒐應制

送田髯淵南還 四首

偶見

送詹司理之官濟南

幼女

送程翼蒼謫教吳門

送郭次庵謫宦山西

送純祐兄之官確山 四首

卷第十 五言律詩一百一首

中峰禮蒼公塔 四首

王庵看梅感興

沈雨公攜尊不值 送致言上人

過韓蘄王墓 四首

宿沈文長山館 二首

福源寺

包山贈古如和尚

過圻村

湖中懷友

七夕卽事 四首

大根菜

釣突泉 二首

贈新泰令楊仲延

靈巖觀設戒

遙別故友 二首

秋夜不寐

七夕感事

喜願雲師廬山歸 并序

贈錢受明

受明得子柬賀

宿徐元歎落木庵

送王惟夏北行 四首

虎丘中秋新霽

哭亡女 二首

中秋看月有感

支硎山齋聽雨

憇趙凡夫所鑿石

凡夫山居改報恩寺

繼和尚住虎丘

慰王子彥罷官哭子 二首

寄懷陳直方 四首

詠月

訪商倩郊居

假寐得月

三峰秋曉

偕顧伊人從維摩踰嶺宿破山寺

維摩楓林訪則公

夜發破山寺

苦雨

茸城客樓吟眺

遇宋子建話故友

樓聞晚角

送錢子璧赴大名

細林山館

神山夜宿贈諸乾一

徐文在西余山莊

送別倩扶女郎

天馬山過鐵崖墓

陳徵君西余山祠

橫雲

送聖符弟任蘄水丞

四首 暑夜舟過溪橋

余山遇姚翁

贈蔡羽明

橘

蛤蜊

贈殘

石首

燕窩

海參

比目

鯨

過吳江有感

莫釐峰

送友聖漢中哭友

四首并序

秦氏寄暢園詩

三首

慧山酒樓遇蔣翁

家園次罷官吳興

卷第十一 七言律詩六十一首

梅村

王烟客西田賞菊

二首

和王太常西田詩

八首

壽王子彥五十

四首

姜如須寄詩次韻

言懷

啁周五子俶

洞庭山館聽雨

過甫里遇具和尚

代具師荅贈

與友人談遺事

追悼

謁范少伯祠

題井梧遺恨詩

鴛湖感舊

武林謁張石平

登數峰閣

題陳青雷半圃

題西泠閨詠

四首并序

海市

四首

別丁飛濤兄弟

贈馮子淵總戎

追叙西田賞菊舊約 友人齋說餅

贈李峩居御史 喜穆苑先桐廬歸

壽陸孟鳧七十二首 壽申青門六十 二首

宴孫孝若山樓 琴河感舊 四首 并序

辛卯元旦試筆 雜感 六首

題王端士北歸草 贈糧儲道步公

卷第十二 七言律詩六十首

題鴛湖閨詠 四首 補襖

過朱買臣墓 題鶴洲草堂

題孫銘常畫蘭 送林衡者歸閩

送文學博住中峰寺 贈鄧元昭使江右

雪夜苑先齋中 二首 襖飲虎丘卽事 四首

投贈督府馬公 三首 自嘆

登上方橋有感 鍾山

臺城 國學

觀象臺 雞鳴寺

功臣廟 玄武湖

秣陵口號 無題 四首

百草堂觀劇

送李秀州擢寧紹道

和周櫟園祭墨詩二首

贈陽羨陳定生

江樓別幼弟孚令

揚州四首

弔衛少司馬紫岫

過淮陰有感二首

贈淮撫沈公清遠

淮上贈嵇叔子

過陸紫霞話舊有感

白鹿湖陸墩詩

自信

新河夜泊

將至京師寄當事諸老

四首

和友人走馬詩二首

過鄭州

卷第十三 七言律詩六十八首

恭紀

聖駕幸南海子遇雪大獵 聞撤織造志喜

上駐蹕南苑閱武行蒐禮召廷臣恭視賜宴行宮

應制

送堵伊令官歷城

元夕

讀魏石生懷古詩

送永城吳令之任

送安慶朱司李之任

送彥遠南歸

江上

送顧舊來典試東粵

送李書雲典試四川



送耿中丞青藜

送友人淮安管餉

送吳贊皇之任

恭遇 聖節 次韻

朝日壇 次韻

送李退庵還吳

得嚴方公信却寄

送趙友沂南歸

懷王奉常烟客

送友人從軍閩中 二首

紀事

送汪均萬南歸

壽座師李太虛 四首

寄房師周芮公 四首  
并序

卽事 十首

長安雜詠 四首

哭蒼雪法師 二首

送友人出塞

卽事

送同官出牧

寄周子倣中州

懷古兼弔侯朝宗

送曹秋岳廣東左轄 四首

送楊猶龍按察山西 二首

送王藉茅按察浙江 二首  
送馬覲揚備兵岢嵐

送王孝源備兵山西

送朱遂初憲副固原 四首

卷第十四 七言律詩六十首

七夕感事

和天寶遺事詩 一首

送傅夢禎還嵩山 夜宿蒙陰

郊城曉發 聞台州警 四首

贈遼左故人 六首 題畫 六首

繭虎 茄牛

鯨鶴 蟬猴

蘆筆 橘燈

桃核船 蓮蓬人

戲詠不倒翁 贈孫孝維三十 四首

贈錢臣辰 贈荊州守袁韞玉 四首

送楊懷湄令臨安 登縹緲峰

過席允來山居 贈李笠翁

贈王杏翁 客譚雲間帥坐中事

別維夏 訪吳永調 四首

送張玉甲官印雅 四首 哭趙友沂

贈吳燕餘 二首 壽繼起和尚

惠山二泉亭 為吳邑侯賦 贈張以韜來鶴詩

卷第十五 七言律詩五十五首

過三峰藥公話舊 贈永平田君宗周

虎丘卽事

四首

贈松郡侯張升衢

贈松副守陳三石

贈松司李王擔四

贈彭郡丞益甫

雲間公讌

二首

贈松別駕安肇開

滇池鏡吹

四首

儒將

俠少

山居

九峰詩

九首

送曾庭聞移家寧夏

贈何匡山

題孫子長七十壽圖

觀蜀鵲啼劇

四首并序

題藥庵和尚畫像

二首

吳興愛山堂脩禊

孫山人太白亭分韻

得友人札

八風詩

八首

贈同年王內三

四首

大中丞韓公壽詩

贈李膚公

卷第十六 五言排律九首

晚眺

送李仲木守寧羗

梅花庵同林若撫聽雨聯句

海螵

麥蠶

思陵長公主挽詩

途中遇雪卽事

贈家園次湖州守

賦得西隱寺古松

卷第十七 五言絕句三十五首六言絕句一

十二首七言絕句八十五首

子夜詞 三首

子夜歌 十二首

子夜歌

六首代友人答閩妓

采石磯

新翻子夜歌

四首

南苑應制

讀漢武帝紀

讀光武紀

蕭何

偶見

二首

古意

題畫

已上五言

偶成

十二首已上六言

沐梁

二首

題歸玄恭小像

四首

戲贈

十首

亂後過湖上

聽朱樂隆歌

六首

觀棋

六首和錢牧齋先生

題莊橙庵小像

四首

楚雲

八首

山塘重贈楚雲

四首

虞美人

過魚山曹植墓

二首

釣臺

贈妓郎圓

偶成

贈寇白門

六首

題殷陟明仙夢圖

極樂庵讀北使詩卷

下相懷古

過昌國

任丘

臨清大雪

阻雪

送王玄照還山八首

伍員

偶見二首

題帖二首

南苑應制

題石田畫芭蕉二首

口占

無為州雙烈詩

題高澹遊畫

題釣隱圖

卷第十八 七言絕句一百一十八首

讀史偶述三十首

題達摩面壁圖

題二禽圖

詠柳四首贈柳雪生

送友人出塞二首

雜題

靈巖山寺放生雞四首

口占題蘇崑生四首

讀史有感八首

為楊仲延題畫

偶得三首

題畫四首

夜遊虎丘八首

戲題士女圖十二首

題寒香勁節圖壽袁節母

烏栖曲

讀陳其年新詞四首

題思翁傲趙承旨

贈李青城

偶成

題董白小像

八首并引

又題董君畫扇

二首

古意

六首

做唐人本事詩

四首

題錢黍谷畫蘭

二首

題王石谷畫

二首

卷第十九

詩餘小令四十七首中調一十首

望江南

十八首

如夢令

四首

生查子

三首

點絳脣

浣溪沙

二首

菩薩蠻

減字木蘭花

醜奴兒令

三首

清平樂

浪淘沙

三首

柳梢青

西江月

三首

南柯子

二首

鵲橋仙

南鄉子

三首已上小令

臨江仙

二首

醉春風

二首

江城子

千秋歲

風入松

紅林擒近

金人捧露盤

柳初新

已上中調

卷第二十

詩餘長調三十五首

意難忘

滿江紅

十三首

滿庭芳

六么令

燭影搖紅

倦尋芳

念奴嬌

木蘭花慢

五首

水龍吟

風流子

三首

沁園春

五首

賀新郎

二首

梅村先生文集目錄卷上

終

梅村先生文集目錄卷下

後學 周瓚 編

卷第二十一 序一十二首

觀始詩集序

宛平王氏家譜序

白東谷集序

陳百史文集序

程翼蒼詩集序

宋玉叔文集序

戴滄洲詩集序

毛卓人詩序

程崑崙文集序

宋牧仲詩序

楊仲延詩序

董蒼水詩序

卷第二十二 序一十首

何季穆文集序 黃陶庵文集序

田髯淵詩序 宋尚木詩序

太倉十子詩序 嚴修人文集序

鄒黎眉詩序 翁季霖詩序

沈伊在詩序 蘇小眉山水音序

卷第二十三 序一十二首

巡撫韓公奏議序 江海膚功詩序

張森岳賑濟冊序 海防魯公贈言序

魏貞庵文集序 古文彙鈔序

重編武安王集序 吳別駕北征詩序

孫孝若稿序 德藻稿序

八大家文粹序 來鶴詩序

卷第二十四 序六首

送胡彥遠南歸序 送林衡者還閩序

贈琴者王生序 贈照如師序

李貞女傳序 永愁篇序

卷第二十五 壽序八首



文先生六十壽序 陳確庵尊人壽序

彭燕又五十壽序 張救庵五十壽序

座師李太虛壽序 黃觀只五十壽序

白封君六十壽序 蕭孟昉五十壽序

卷第二十六 壽序六首

王烟客七十壽序 申少觀六十壽序

冒辟疆五十壽序 丁石萊七十壽序

錢臣辰五十壽序 張耐庵學博壽序

卷第二十七 壽序七首

吳母徐太夫人壽序 顧母陳孺人壽序

顧母施太恭人壽序 秦母子太夫人壽序

王母徐太夫人壽序 吳孺人五十壽序

孫母郭孺人壽序

卷第二十八 記六首

聖恩寺藏經閣碑記 瑞光禪寺碑陰記

太倉州城隍廟碑記

雙鳳法輪寺重建大殿記

舊學庵記

歸村躬畊記

卷第二十九 記五首

講德書院記 顧公開明祠堂記

峴山九賢祠碑記 并頌 修孫山人墓記

雲起樓記

卷第三十八 神道碑銘三首

福建道御史贈太僕寺卿謚忠毅李公神道

碑銘

太傅兵部尚書呂忠節公神道碑銘

贈大中大夫盧公神道碑銘

卷第三十一 神道碑銘三首

少保大學士王文通公神道碑銘

兵部右侍郎玉調張公神道碑銘

贈中憲大夫幼儀許公神道碑銘

卷第三十二 墓誌銘四首

僉憲梁公西韓先生墓誌銘

左諭德濟寧楊公墓誌銘

鴻臚寺序班封武庫主事荆公墓誌銘

按察司使江公墓誌銘

卷第三十三 墓誌銘六首

廣東兵備副使王公晚仲墓誌銘

贈清吏司員外郎仲常費公墓誌銘

贈內翰林國史院簡討鄧公墓誌銘

太僕寺少卿席寧侯墓誌銘

封中書舍人石公乾籙墓誌銘

席允來墓誌銘

卷第三十四 墓誌銘六首

監察御史王君慕吉墓誌銘

謝天童孝廉墓誌銘

兵科給事中天愚謝公墓誌銘

朱昭芭墓誌銘

鄭孝子青山墓誌銘

邵僧彌墓誌銘

卷第三十五 墓誌銘五首

張母潘孺人暨金孺人墓誌銘

佟母劉孺人墓誌銘 封夫人張氏墓誌銘

劉母耿淑人墓誌銘 秦母侯孺人墓誌銘

卷第三十六 墓誌銘五首

盧母羅淑人墓誌銘 陳母夏安人墓誌銘

白母陳孺人墓誌銘 王母周安人墓誌銘

亡女權厝誌

卷第三十七 墓表四首 塔銘三首

卓海幢墓表 保御鄭三山墓表

先伯祖玉田公墓表 吳母孟恭人墓表

巨冶禪師教公塔銘 照如禪師生塔頌

靈隱具德禪師塔銘

卷第三十八 傳七首 祭文一首

謝封君傳 志衍傳

柳敬亭傳 張南垣傳

登封三節婦傳 施太夫人傳

湯節母傳 祭李幼基文

卷第三十九 書四首 銘一首 贊一首

答撫臺開劉河書 致雲間諸子書

致孚社諸子書 與宋尚木論詩書

興福寺鐵爐銘 柳敬亭贊

卷第四十 雜文七首

復社紀事

書宋九青逸事

書王文肅公闡牘後

題龔司李畫冊

葉公傳

題織簾居唱和詩冊

書白醉樓讌集詩序後

梅村先生文集目錄卷下 終

梅村集卷第一

太倉吳偉業駿公著

後學

許旭九日

顧湄伊人

暄少融較

五言古詩一

贈蒼雪

名讀徹滇南呈貢趙氏子

我聞昆明水。天花散無數。躡足凌高峰。了了見佛土。法師滇海來。植杖渡湘浦。藤鞋負貝葉。葉葉青蓮吐。法航下匡廬。講室臨玄圃。忽聞金焦鐘。過江

救諸苦中峰古道場。浮圖出乎楚。通泉繞堦除。疏  
巖置廊廡。同學有汰公。兩山聞法鼓。天親偕無着。  
一朝亡其伍。獨游東海壖。從者如墻堵。迦文開十  
誦。廣舌演四部。設難何衡陽。荅疑劉少府。人我將  
無同。是非空諸所。卽今四海內。道路多豺虎。師於  
高座上。瓣香祝君父。欲使菩提樹。徧蔭諸國土。洱  
水與蒼山。佛教之齊魯。一展游中原。五嶽問諸祖。  
稽首香花巖。妙義足今古。

塗松晚發

孤月傍一村。寒潮自來去。人語出短篷。纜沒溪橋  
樹。冒霜發輕舸。披衣聽雞曙。籟響若鳴灘。蘆洲疑  
驟雨。漁因入浦喧。農或呼門懼。居然見燈火。市聲  
雜翁嫗。水改村店移。一帆今始遇。生涯問菰蒲。世  
事隔沮洳。終當謝親朋。刺舟從此住。  
毛子晉齋中讀吳匏菴手抄宋謝翱西臺慟  
哭記  
扁舟訪奇書。夜月南湖宿。主人關東軒。磊落三萬  
軸。別皮加收藏。前賢矜手錄。北堂學士鈔。南宋遺

民牘言過富春渚。登望文山哭子陵。留高臺西面。  
滄江綠。婦翁爲神仙。天子共游學。攜家就赤城。高  
舉凌黃鵠。尚笑君房癡。寧甘子雲辱。七里溪光清。  
千仞松風謖。廬陵赴急難。幕府從羈僕。運去須武  
侯。君存卽文叔。臣心誓弗諉。漢祚憂難復。昆陽大  
雨風。虎豹如蝟縮。詭譎滹沱冰。倉卒蕪亭粥。所以  
恢黃圖。無乃資赤伏。卽令錢塘潮。莫救厓山麓。空  
坑戰士盡。柴市孤臣戮。一死之靡他。百身其奚贖。  
龔生天天年。翟公湛家族。曾稽處士星。求死得亦

足。安能期故人。共臥容加腹。巢許而蕭曹。遭遇全  
高躅。文山竟以殉。趙社終爲屋。海上悲田橫。國中  
痛王蠋。門人蒿里歌。故吏平陵曲。彼存君臣義。此  
製朋友服。相國誠知人。舉事何顛蹙。丈夫失時命。  
無以辭碌碌。看君書一編。俾我愁千斛。禹績荒烟  
霞。越臺走麋鹿。不圖疊山傳。再向嚴灘續。配食從  
方干。豐碑繼梅福。主人更命酒。哀吟同擊筑。四坐  
皆涕零。霜風激羣木。嗟乎誠義士。已矣不忍讀。

壽王鑑明五十

梅村集一  
三  
伏勝謝生徒開壁藏卷軸桓榮抱詩書拾椳逃巖  
谷古來兩經生遭亂耽講讀後皆保耆願或乃致  
鼎足當世數大儒如君號名宿通識曉世變早計  
駭愚俗一朝載妻子推車入天目經營志不遂退  
迺就田牧十畝種桑麻一溪蒔花木果茹飴兒孫  
樵蘇課僮僕以代子陵釣無媿君平卜俯視悠悠  
人愁苦對金玉下士豈聞道世事如轉轂五十知  
天命養生在無欲全家就白雲避地驅黃犢無以  
侑君觴知足則不辱

松鼠

衝飈飄頽瓦壞墻叢廢棘謾然見松鼯搏樹向人  
立側目仍盱眙奉頭似悚惕簷牙偃卧高屋角欹  
斜疾倒擁弱枝危迅躡脩柯直已墮復驚趨將藏  
又旁突去遠且暫留迴顧再迸逸前逃赴已駛後  
竄追旋及剽輕固天性儼狡因衆習兩木夾清漳  
槎牙斷尋尺攀緣所絕處排空自騰擲足知萬物  
機飛走不以力嗟爾適何來鳥鼠忽而一本是居  
嶄巖無端被羈繫兒曹初玩弄種類漸充斥黠彼



憑社徒技窮耻晝匿銜尾共呼鳴異穴爲主客吾  
廬枕荒江垂死倚病柏雷雨撥其根慘裂蒼皮濕  
空腹鴟鴞蹲殘身螻蟻食社鬼不復憑乘間恣出  
入庭中玉蘂枝怒茁遭狼藉非敢念摧殘於君奚  
損益屈指五六年不遣一花白筍抽新芽編籬  
察行跡免彼鎌鉏侵值爾齒牙厄反使盜者心笑  
睨生歎息貧賤有此園謂可資漑植春蔬晚猶種  
夏果晨自摘身雀羣飛鳴啾啾滿阡陌婦子懶驅  
除傳藁加篋笠我亦顧而笑自信無長策焉能避

穿墉會須憂入室茅齋雖云陋一一經剪葺曉起  
看掃除仰視輒詫惜尋繩透簾幕掉尾來几席倒  
皮傾圖書窺厨啖漿炙空倉喧夜鬪忘疲競遺粒  
早幸官吏租督責無餘積邂逅開虛堂群怒扼險  
塞地逼起衆呼拍手撼四壁捕此曷足多欲以觀  
其**惡**也既巖扃樂櫺若比櫛警眼條遁逃一巧  
先百密窮追信非算允豫不早擊忍令智弗如變  
計思與敵機深勇夫駭勢屈兒童獲舉世貴目前  
快意相促迫比讀莊生書退守愚公術撲棗聽隣

家搔爪任邊邑溪深獺趁魚果熟猿偷栗天地所  
長養於已何得失嗟理則誠然自古戒鼠泣仙豈  
學淮南腐難嚇梁國舞應京房占磔按張湯律終  
當就羅網不如放山澤永絕焚林風用全飲河德

吳門遇劉雪舫

出門遇高會雜坐皆良朋排闥一少年其氣爲幽  
并羗裘雖褰膝目乃無諸儉忽然語笑合與我談  
生平亡姑備宮掖吾父天家婚先皇在信邸降禮  
如諸甥長兄進徹侯次兄拜將軍先皇早失恃寤

寐求音形太廟奉睿容流涕朝羣臣新樂初受封  
搢笏登王廷至尊亦豐頤一見驚公卿兩宮方貴  
重通籍長安門周侯累織微鄙哉無令名田氏起  
輕俠賓客多縱橫不比先后家天語頻諄諄獨見  
新樂朝上意偏殷勤愛其子弟謹憂彼俸給貧每  
開三十庫手賜千黃金長戈指北闕鞞鼓來西秦  
寧武止一戰各帥皆投兵漁陽股肱郡千里無堅  
城嗚呼四海主此際惟一身彷彿萬歲山先后輜  
輶迎辛苦十七年欲訴知何因今纔識母面同去

朝諸陵我兄聞再拜慟哭高皇靈烈烈鞏都尉揮  
手先我行寧同英國死不作襄城生我幼獨見遺  
貧賤今依人當時聽其語剪燭忘深更長安昔全  
盛曾記朝元正道逢五侯騎願暫爲卿兄卽君貌  
酷似豐下而微黥貴戚諸舊游追憶應難真依稀  
李與郭流落今誰存君曰欲我談清酒須三升舊  
時白石莊萬柳餘空根海淀李侯墅秋雁飛沙汀  
博平有別業乃在西湖濱惠安蓄名花牡丹天下  
聞富貴一朝盡落日浮寒雲走馬南海子射兔西

山陰路傍一寢園御道居人侵碑鐫孝純字僵石  
莓苔青下馬向之拜晃者疑王孫詢是先后姪感  
歎增傷心落魄游江湖踪跡嗟飄零傾囊縱蒲博  
劇飲甘沉淪不圖風雨夜話舊同諸君已矣勿復  
言涕下沾衣襟

臨江叅軍

臨江髯叅軍負性何貞栗上書請賜對高語爭得  
失左右爲流汗天子知質直公卿有闕遺廣坐憂  
指摘鷹隼伏指爪其氣嘗突兀同舍展歡謔失語

輒面斥萬仞削蒼崖飛鳥不得立予與交十年弱  
節資扶植忠孝固平生吾徒在真實去年羽書來  
中樞失籌策桓桓尚書公提兵戰疾力將相有纖  
介中外爲危慄君拜極言疏夜半片紙出贊畫樞  
曹郎遷官得左秩天子欲用人何必歷顯職所恨  
持祿流垂頭氣默塞主上憂山東無能恃緩急投  
身感至性不敢量臣力受詞長安門走馬桑乾側  
但見塵滅沒不知風慘慄四野多悲笳十日無消  
息蒼頭草中來整暇見紙墨唯說尚書賢與語材

挺特次見諸大帥驕懦固無匹逗撓失事機倏忽  
不相及變計趣之去直云戰不得成敗不可知死  
生子所執予時讀其書對案不能食一朝敗問至  
南望爲於邑忽得別地書慰藉告親識云與副都  
護會師有月日顧恨不同死痛憤填胸臆先是在  
軍中我師已孔亟剽略斬亂兵掩面對之泣我法  
爲三軍汝實饑寒極諸營勢潰亡羣公意敦逼公  
獨顧而笑我死則寒責老母隔山川無繇寄悽惻  
作書與兒子勿復收吾骨得歸或相見且復慰家

室別我顧無言但云到順德犄角竟無人親軍惟  
數百是夜所乘馬嘶鳴氣蕭瑟椎鼓鼓聲哀拔刀  
刀芒灑公知爲我故悲歌壯心溢當爲諸將軍揮  
戈誓深入日暮箭鏃盡左右刀鋌集帳下勸之走  
叱謂吾死國官能制萬里年不及四十詔下詰死  
狀疏成紙爲溼引義太激昂見者憂讒疾公旣先  
我亡投跡復奚恤大節苟弗明後世謂吾筆此意  
通鬼神至尊從薄謫生還就畊釣志願自此畢匡  
廬何巖業大江流不測君看磊落士艱難到蓬華  
猶見叅軍船再訪征東宅風雨懷友生江山爲社  
稷生死無媿辭大義焰顏色

贈願雲師

并序

願雲二十而與予游甲申聞變常相約入  
山予牽帥不果而師已悟道受法於雲門  
具和尚今夏從靈隱來止城西之太平菴  
云將遠游廬嶽貽書別予以兩人年踰不  
惑衰老漸至世法夢幻惟出世大事乃爲  
真實學道一着不可不勉予感其言因作

此詩贈之并識予媿也

曉雨西山來松風滿溪閣忽得吾師書別予訪廬  
嶽分攜出苦語殷勤謂同學兄弟四十餘衰遲已  
非昨寄身蒼崖巔危苦愁失脚萬化皆虛空大事  
惟一着再拜誦其言心顏抑何忤末運初迤邐達  
人先大覺勸吾非不早執手生退却流連白社期  
慚負青山約君親既有媿身世將安托今觀吾師  
行四海一芒屨大道本面前即是真極樂他年跌  
深巖白雲養寂寞一偈出千山下界鐘磬作故人

叩松關匡床坐酬酢不負吾師言十年踐前諾

避亂

我生江湖邊行役四方早所歷皆關河故園跡偏  
少歸去已亂離始憂天地小從人訪幽棲居然逢  
浩渺百頃磬清湖烟清入飛鳥沙石晴可數鳧鷖  
亂青草主人柴門開雞聲綠楊曉花路若夢中漁  
歌出杳杳白雲護仙源劫灰應不擾定計浮扁舟  
於焉得終老

其二

長日頻云亂臨時信孰傳愁看小兒女倉卒恐紛  
然緩急知難定身輕始易全預將襁褓寄忍使道  
塗捐天意添漂泊孤舟雨不前途長從妾怨風惡  
喜兒眠水市灣頭見溪門屋後偏終當淳樸處不  
作畏途看未得更名姓先教禮數寬因人拜村叟  
自去榜漁船多累心常苦遭時轉自憐干戈猶未  
作已自出門難

其三

驟得江頭信龍關已不守由來唾早計此日盡狂  
走老穉爭渡頭篙師露兩肘屢喚不肯開得錢且  
沽酒予也倉皇歸一時攜百口兩槳速若飛扁舟  
戢來久路近忽又遲依稀認楊柳居人望帆立入  
門但需帚依然具盤飧相依賴親友却話來途中  
所見俱八九失散追尋間啼呼挽兩手屢休又惡  
步獨行是衰朽村女亦何心插花尚盈首

其四

此方容跡便止爲過來稀一自人爭避溪山客易  
知有心高酒價無計掩漁扉已見東郭叟全家又

別移總無高枕地，祇道故園非爲客。貪蝦菜逢人，  
厭鼓鞞兵戈千里近。隱遯十年遲，惟羨無家雁。滄  
江他自飛。

其五

月出前村白，溪光炤澄練。放櫂浮中流，臨風浩歌  
斷。天塹非不雄，哀哉日荒蕪。嗟爾謀國徒，坐失江  
山半。長年篙起舞，扁舟疾如箭。可惜兩河士，技擊  
無人戰。孤篷鐵笛聲，聞之淚流霰。我生亦何爲，遭  
時涉憂患。昔也游九州，今來五湖畔。麻鞋習奔走，

淪落成愚賤

其六

曉起譁兵至，戈船泊市橋。草草十數人，登岸沽村  
醪。結束雖非常，零落無弓刀。使氣搗市翁，怒色殊  
無聊。不知何將軍，到此貪逍遙。官軍昔催租，下令  
嚴秋毫。盡道征夫苦，不惜畊人勞。江東今喪敗，千  
里空蕭條。此地村人居，不足容旌旄。君見大敵勇，  
莫但驚吾曹。

西田詩



林本集卷一十一  
穿築倦人事田野得自然偶來北郭外學住西溪  
邊道大習隱難地僻起衆傳而我忽相訪棹入菰  
蒲天落日浮遠樹桑柘生微烟逕轉蹊路迷鳧鴨  
引我船香近聞菱荷卧入花鮮妍人語出垂柳曲  
岸漁槎偏執手顧而笑此乃吾西田長得君輩客  
野興同流連藉草傾一壺聊以娛餘年

其二

到此身世寬息心事樵牧舍南一團焦云以飯黃  
犢入門沿長廊虛堂敞心目把卷倚新桐持杯泛  
南菊曲處通簾櫳茶香具含蓄俄穿密室暗條遇  
清溪綠碧水開紅葉娟娟幽獨有鳥立層波垂  
翅清如玉對此不能去溪光好留宿月照寒潭深  
經聲入寒竹徙倚良有悟閒房道書讀

其三

別業多幽處探源更不窮堤沿密篠盡路細竹扉  
通石罅枯泉過菖蒲間碧叢一亭壓溪頭魚藻如  
游空扁舟更不繫出沒柳陰風小閣收平蕪良苗  
何雍容此綠詎可回變化陰晴中隔岡見村舍曲

背驅牛翁苦言官長峻未敢休微躬樸陋矜詩書  
無乃與我同日落掩扉去滿地桃花紅

其四

常言愛茅齋投老纔剪葺創置依舊圖新意出仿  
拂蒼然一笠寒能添夕陽色細影懸晨光一一清  
露滴卞生工丹青妙手固誰匹山村貧無人取意  
先自適想像生雲烟爲我開素壁了了見千峰可  
以攜手入道人十年夢惆悵平生屐此地足臥游  
不負幽人室願以求長生芝草堪采食

哭志衍

予始年十四與君蚤同學君獨許我文謂侔古人  
作長揖謝時輩自比管與樂彊記矜絕倫讀書取  
大略家世攻春秋訓詁苦穿鑿君撮諸家長弗受  
專門縛卽子之太公亦未相然諾高譚群兒驚健  
筆小儒忤長途馭二龍崇霄翔一鶚遂使天下士  
咸奉吾徒約詞塲黍兩吳相與爲犄角煌煌張夫  
子斯文紹濂洛五經叩鐘鏞百家垂矩矱海內走  
其門鞍馬填城郭雲間數陳夏餘子多磊落反騷

擬三湘作賦誇五祚君也游其間才大資磨斲詩  
篇口自哦書記手頻削冠蓋傾東南虛懷事酬酢  
射策長安城驄馬黃金絡年少交公卿才智森噴  
薄會值里中兒飛文肆謠詠要路示指蹤黨人罹  
贈繳君也念急難疎通暗籌度陰落其機牙用意  
于莫覺逡巡白衣奏停止黃門獄叶解褐未赴官  
歸來卧林壑賓客益輻輳聲華日昭灼生徒丐譚  
論文史供揚摧貧賤諸故人慰存餽衣藥躡履脩  
起居小心見誠恪重氣徇長者往往捐囊橐君家

夙貴盛朱門飾華楹壘石開櫺軒張燈透簾幕唱  
曲李延年俳弄黃幡綽舞席間毬場池館花漠漠  
兄弟四五人會讌騰觚爵鹽豉下魚羹椒蘭糝鳧  
臠每具十人饌中厨炊香穉客從遠方來咄嗟辦  
脾臄昨宵已中酒命飲仍大嚼叶而我過其家性  
不勝杯杓小戶不足糾引滿狂笑噓卷波喝遣輸  
射覆猜須着狎侮座上人鬪捷貪諧謔警速誰能  
酬自喜看跳躍堅坐聽其言乃獨無差錯親疎與  
長幼語語存斟酌性厭禮法儒拘忌何齷齪風儀

甚瓌偉衣冠偏落拓有時不簪巾散髮忘盥濯中  
夜鬪歌呼分曹縱蒲博百萬一擲輸放意長自若  
絕叫忽成盧衆手忽斂却男兒須作健清談兼馬  
稍犯雪披輕衫笑予爾何弱嘗登黃山顛飛步臨  
峭嶒下有萬仞潭徒侶愁失脚搔首凌雲烟翹足  
傲衡霍顧予石城頭橫覽浮大白叶慷慨天下事  
風塵慘河朔諸將擁重兵養寇飽鹵掠背後若有  
節此輩急斬斫自請五千騎一舉殲首惡餘黨皆  
吾人散使歸畊穫卽今朝政亂舉錯混淆濁君父

切邊疆群臣私帷幄當官不彈治何以司封駁對  
仗劾三公正色吐謇諤此志竟迤邐天道何窮剝  
六載養丘園一官落邛笮大盜竊江黃兇徒塞荆  
鄂間道攜妻孥改途走蠻貉瘴黑箐林行颺作瀘  
溪泊驛路出桄榔候吏疑猿猱歇鞍到平地倏逢  
錦城樂問士先嚴楊恤民及程卓白鹽古戍烽赤  
脚嚴關柝再拜蜀王書流涕傾葵藿請府發千金  
三軍賜酺醪賓旅給犀渠叟兵配騶駱此地俯中  
原巨靈司鎖鑰水櫃扼涪江石門防劍閣我謀適

不用岷峨氣蕭索黑山起張燕青城突莊躋積甲  
峨眉平飲馬瞿塘洞生民爲菹醢醜類恣啖嚼徒  
行值虎豹同事皆燕雀孤城遂摧陷狂刀乃屠膊  
有子踰十齡艱難孰顧托閤門竟同殉覆卵無完  
殼一弟漏刃歸兩踝見芒屨三峽奔荆門魚龍食  
魂魄叶夢斷落滄江毋乃遭搏攫耶筒千日酒泉  
路無寂寞追計平生歡一一猶如昨壁間所懸琴  
臨行彈別鶴王子文楸枰尚記爭殘着百架藏圖  
書千金入卷握刻意工丹青雲山共綿邈篋中白  
團扇玉墜魚灑潯阿兄風流盡萬事俱零落我欲  
收君骨茫茫隔山嶽後來識死事良史曾誰確此  
詩傳巴中磨崖書卓犖石剝蒼藤纏姓氏猶捫摸  
庶幾千載後悲風入寥廓

閩州行

贈楊學  
博爾緒

四坐且勿喧聽吾歌閩州閩州天下勝十二錦屏  
樓歌舞巴渝盛江山士女游我有同年翁閩中舊  
鄉縣送客蒼溪船讀書玉臺觀忽乘相如車謂受  
文翁薦游宦非不歸十載成都亂只君爲愛子相

海村集一

五言古詩

思不相見相見隔長安干戈徒步難金牛盤七坂  
鐵馬斷千山敢辭道路艱早向妻兒訣一身上鳥  
道全家傍虎穴君自爲尊章豈得顧妻子分攜各  
努力妾當爲君死淒淒復切切苦語不能荅好寄  
武昌書莫買秦淮妾巴水急若箭巴船去如葉兩  
岸蒼崖高孤帆望中沒二月到漢口三月下揚州  
揚州花月地烽火似邊頭驛路逢老親遷官向閩  
越謂逼公車期蚤看長安月再拜不忍去趣使嚴  
裝發河山一朝異復作它鄉別別後竟何如飄零

少定居愁中鄉信斷不敢望來書盡道是葭萌殺  
人滿川陸積屍峨嵋平千村惟鬼哭客有自秦關  
傳言且悲喜來時聞君婦貞心視江水江水流不  
極猿聲哀豈聞將書封斷指血淚染羅裙五內爲  
崩摧買舟急迎取相逢惟一慟不料吾見汝拭眼  
問舅姑雲山復何處淚盡日南天死生不相遇汝  
有親弟兄提攜思共濟姊妹四五人扶持結衣袂  
懷裏孤雛癡啼呼不知避失散倉皇間骨肉都拋  
棄悠悠彼蒼天於人抑何酷城中十萬戶白骨滿

崖谷官軍收成都千里見榛莽設官尹猿猴半以  
飼豺虎尚道是閬州此地差安堵民少官則多莫  
恤蜀人苦淒涼漢祖廟寂寞滕王臺子規叫夜月  
城郭生蒿萊只有嘉陵江江聲自浩浩我欲竟此  
曲流涕不復道

讀端清鄭世子傳

昭代無遺憾萬事光史冊惜哉金川門神聖有慚  
德天誘其子孫救之以讓國賢如鄭世子宗盟堪  
表率當璧辭真玉累疏誠懇惻 天子詔勿許流

涕守所執敝屣視千乘謝之以長揖灑掃單懷宮  
躬迓新王入夷齊既死後曠代仍間出築屋蘇門  
山深心事經術明興二百年廟樂猶得失以之輯  
羣書十載成卷帙候氣推黃鐘攻風定六律嶰谷  
當南山代竹製琴瑟爲圖獻太常作之文世室遂  
使溱洧間一洗萬古習我行漳河南懷古思遺澤  
好學漢東平高風吳泰伯道傍立豐碑讓爵存月  
日彼爲一卷書能輕萬家邑大雅欽遺風誠哉不  
可及



梅村集卷第二十九

五言古詩二

讀史雜詩

東漢昔云季黃門擅權勢積忿召外兵  
 癰突身亦斃雖自撥本根庶幾蕩殘穢  
 誰云承敝起仍出刑餘裔孟德沽巧養門資  
 列朝貴憑藉盜弄兵豈曰唯才智過王  
 故長秋無鬚而配帝鈎黨諸名賢子孫  
 為皂隸

其二



商君刑師傳徒木見威約范叔誣涇陽折脇吐蹇  
謬地疎主恩深法輕主權削苟非用刻深何以膺  
付託功成或倖退禍至終難度屈伸變化間卽事  
多斟酌談笑遷種人吾思王景略薛益表其豈曰  
蕭何虛上坐故侯城門東曹參避正堂屈已事蓋  
公咄咄兩布衣不仕隆準翁其術總黃老閱世浮  
沉中所以輔兩人俱以功名終出處雖有異道義  
將毋同何必致兩生彼哉叔孫通

其四

竇融昔布衣任俠家扶風翟公初舉事海內知其  
忠融也受漢恩大義宜相從低頭就新莽願入其  
軍中轉戰槐里下盡力爲摧鋒後來擁衆降仍以  
當時功忝竊居河西蜀漢方相攻一朝決大計佐  
命蕭曹同吁嗟翟太守爲漢傾其宗劉氏已再興  
白骨無人封徒令千載後流涕平陵東

又詠古

浹旬至台司三日遍華省慈明與中郎豈不念朝

樹木集二  
菌王良御奔車勢逼崦嵫景急策度太行馬足殆  
而騁富貴若歲時過則生災疹草木冬先榮經春  
輒凋殞桓桓梁將軍赫赫蕭京尹一朝遇差跌未  
得全要領人生百年內飽食與美寢毋以藜藿糲  
羨彼鍾與鼎毋以毛褐敝羨彼純與錦進固非伊  
周退亦無箕頰薄祿從下僚末俗居中品寂寥子  
雲戟從容步兵飲

其二

西州杜伯山北海鄭康成季孟將舉事本初方用  
兵脫身有追騎興疾猶從征何胤絕婚宦遯跡東  
籬門受逼崔慧景語默難爲情網疎免刑戮大道  
全身名時命苟不佑千載無完人入山山易淺飲  
水水不清一身累妻子動足皆荆榛自非焦季先  
何以逃風塵庶幾詹尹卜足保幽人貞

其三

古來有烈士軼里與易水慶卿雖不成其事已並  
美專諸弑王僚朱亥殺晉鄙惜哉博浪椎何如圮  
橋屨公孫擅西蜀可謂得士死連刺兩大將探囊

取物耳皆從百萬軍夜半入帳裏七首中要害絕  
跡復千里若論劍術精前人莫能比胡使名弗傳  
無以著青史誰修俠客傳闕疑存二子

其四

高密未命早共京師游弱冠拜司徒杖策功名  
收靈臺萬古誰能傷興亡諸將相足仗風  
雲羞鄧芝遇先主七十才封侯位至大將軍矍鑠  
高春秋英雄初未遇垂老猶窮愁祖孫漢功臣年  
齒胡不侔我讀新野傳慷慨思炎劉

其五

遭時固不易推心尤獨難景略王佐才臣主真交  
歡天意不佑秦中道奪之年苻堅有大度豁達知  
名賢獨斷未爲失興毀寧非天賊萇實弑君聞者  
爲衝冠鎮惡丞相孫流落來江南西伐功冠軍力  
戰收長安手劍縛姚泓俘之出潼關張良爲劉氏  
雅志在報韓能以家國恥誦申兩主間其地皆西  
秦功亦堪比肩區區一李方報恩何足言

其六

宜城酒家保北海賣餅師千金懸賞購萬里刊章  
追途窮變名姓勢急投親知漢法重亡命保舍加  
誅已破家相存濟百口同安危虞卿捐相印恨未  
脫魏齊惜哉燕太子流涕樊於期瀨水一女子魯  
國一小兒今也無其人已矣其安歸廣柳可以置  
置當猛虎蹊復壁可以藏藏憂黠鼠窺古道不可  
作太息將何爲

遇南廂園叟感賦八十韻

寒潮衝廢壘火雲燒赤岡四月到金陵十日行大

航平生游宦地蹤跡都遺忘道遇一園叟問我來  
何方猶然認舊役卽事堪心傷開門延我坐破壁  
低圍墻却指灌莽中此卽爲南廂衙舍成丘墟佃  
種輸租糧謀生改衣食感舊存園莊艱難守茲土  
不敢之他鄉我因訪故基步步添思量面水背蒼  
崖中爲所居堂四海羅生徒六館登文章松檜皆  
十圍鐘筦聲鏘鏘百頃搖澄潭夾岸栽垂楊池上  
臨華軒菡萏吹芬芳譚笑盡貴游花月傾壺觴其  
南有一亭梧竹生微涼回頭望雞籠廟貌諸侯王

左李右鄧沐中坐徐與常霜髯見鋒骨老將東甌  
湯配食十六侯劍珮森成行得之爲將相寧復憂  
封疆北風江上急萬馬朝騰驤重來訪遺跡落日  
唯牛羊吁嗟中山孫志氣胡勿昂生世苟如此不  
如死道傍惜哉裸體辱仍在功臣坊蕭條同泰寺  
南枕山之陽當時寶誌公妙塔天花香改葬施金  
棺手詔追褒揚袈裟寄靈谷製度由蕭梁千尺觀  
象臺太史書禎祥北望占旄頭夜夜愁光鐸高  
帝遺衣冠月出脩蒸嘗圖書盈玉几弓劍堆金牀

承乏忝兼官再拜陳衣裳南內因灑掃銅龍啓未  
央幽花生御榻苔澀青倉琅離宮須望幸執戟衛  
中郎萬事今盡非東逝如長江鍾陵十萬松大者  
參天長根節猶青銅屈曲蒼皮僵不知何代物同  
日遭斧剗前此千百年豈獨無興亡况自百姓伐  
孰者非畊桑羣生與草木長養皆吾皇人理已漸  
滅講舍宜其荒獨念四庫書卷軸誇縹緗孔廟銅  
犧尊斑剝填青黃棄擲草莽間零落誰收藏老翁  
見話久婦子私相商人倦馬亦疲剪韭炊黃粱慎

莫笑貧家一一羅酒漿從頭訴兵火眼見尤悲愴  
叶大軍從北來百姓聞驚惶下令將入城傳箭需  
民房里正持府帖僉在御賜廊插旗大道邊驅遣  
誰能當但求骨肉完其敢攜筐箱扶持雜幼稚失  
散呼耶孃江南昔未亂閭左稱阜康馬阮作相公  
行事偏猖狂高鎮爭揚州左兵來武昌積漸成亂  
離記憶應難詳下路初定來官吏踰貪狠按籍縛  
富人坐索千金裝以此爲才智豈曰惟私囊今日  
解馬草明日脩官塘誅求却到骨皮肉俱生瘡野

老讀詔書新政求循良瓜哇亦有畔溝水亦有防  
始信立國家不可無紀綱春來雨水足四野欣農  
忙父子力畊耘得粟輸官倉遭遇重太平窮老其  
何妨薄暮難再留暝色猶青蒼策馬自此去悽惻  
摧中腸顧羨此老翁負耒歌滄浪牢落悲風塵天  
地徒茫茫

下相懷古

驅車馬陵山落日見下相憶昔楚項王拔山氣何  
壯太息取祖龍大言竟非妄破釜救邯鄲功居入

關上殺降復父讐不比諸侯將杯酒釋沛公殊有  
君人量胡爲去咸陽遭人扼其吭亞父無諍言奇  
計非所望重瞳顧柔仁隆準至暴抗脫之掌握中  
骨肉俱無恙所以哭魯兄仍具威儀葬古來名與  
色英雄不能忘力戰兼悲歌西風起酸愴廢廟枕  
荒岡虞兮侍帷帳烏騅伏坐傍踣地哀鳴狀我來  
訪遺蹟登高見芒碭長陵竟坏土萬事同惆悵

夜宿阜昌

我來古昌國望古思樂生總將六諸侯撫劍東專

征下齊功不細奔趙事無成草沒黃金臺猶憶昭  
王迎涕泣辭伐燕氣誼良非輕此真天下士豈獨  
因知兵忠心激舊將誓死存聊城惜哉魯仲連排  
難徒高名勸使東游齊母乃傷縱橫

贈家侍御雪航

士生搶攘中非氣莫能濟勁節行胸懷高談豁心  
智吾家侍御公平生蘊風義世難初橫流事定猶  
草昧召見邯鄲宮軍中獲能吏移牒拜諫官創業  
更新制長刀夾殿門令下誰敢議扣馬忽上陳挺

身艱難際丈夫持國是僵仆無所避封事卽留中  
天語加褒異受命巡山東恩威恤凋弊會討泰山  
賊無辜輒連治破械使之歸父老皆流涕征南甘  
侯軍豪奪武昌地可憐黃陵廟鈔略空村閉君來  
仗威名一言釋猜忌塢壁招殘民郊原戢游騎從  
此巴丘兵始識長沙尉西望浚稽山黃河遶其背  
青羗十七種驕驕飾文罽自古於金城互市有深  
意蜀賈蒙山茶兵火苦莫致將吏使之然憂將玉  
關廢奉詔清河湟俾復商人利千車摘岷峨五花  
散涇渭至今青海頭共刻黃龍誓揭節還歸來公  
私積勞勩安卧無多談循資躡高位却拜極言疏  
手板指朝貴恩深因薄謫材大終難棄古之賢豪  
人深沉在晚歲歛盡萬里心日共殘編對學以閱  
世深官從讀書退以之輕軒冕蕭條自標置我來  
客京師一身似匏繫老大慚知交淒涼托兄弟臨  
風或長歌邀月非沉醉論世追黃虞刪詩及曹魏  
恐君故鄉思失我窮途慰家在五湖西扁舟入夢  
寐欲取石上泉洗濯塵中累羣公方見推雅志安



柳木集二  
得遂朝罷看西山千峰蒼翠良友供盤桓清秋  
足游憩待予同拂衣徐理歸計

題河渚圖送胡彥遠南歸

馬背話江南春山吾負汝白雲能容人猿鳥不我  
與西泠有高士結廬在河渚讀書尚感激平生慎  
推許獨坐長微吟清言出機杼秋風忽乘興千里  
長安旅同好四五人招尋忘出處寄跡依琳宮雙  
松得儔侶雖入侯王門不受公卿舉登高見遺廟  
顏垣竄鼯鼠悲歌因卧病歸心入春雨從此謝姓

名問之了不語我爲作此圖彷彿梅花墅蒼然開  
南軒飛泉落孤嶼想見君山中相思日延佇

送何省齋

哲人尚休官取志不在歲賢達恃少年輕心撥名  
勢神仙與酒色皆足供蟬蛻在己本歡娛富貴應  
難累婆娑彼顏老匪止妻孥計棲棲守腐鼠自信  
無餘技嗟我豈其然今也跡相類同事有何郎英  
懷托深契三十拜侍中何人發長喟拂袖歸去來  
故園有松桂世網敢自由鄉心偶然遂樗散却見

留送之以流涕我昔少壯時聲華振儕輩講舍雞  
籠巔賓朋屢高會總爲能清譚君家好兄弟緩帶  
天地寬健筆江山麗憑闕見溢口傳烽響笳吹海  
寓方紛紜虛名束心意夜半話掛冠明日扁舟繫  
問余當時年三十甫過二採藥尋名山筋力正強  
濟濯足滄浪流白雲養身世長放萬里心拔脚風  
塵際昔爲雲中鵠翩翩九臯嘖今爲轅下駒局促  
長楸轡榭神蟠枯根天陰蟲蟻萃縱抱凌霄姿蕭  
條斧斤畏時命苟弗諧貧賤安可冀過盡九折巖

咫尺俄失墜淒涼游子裝訣絕衰親淚關山車馬  
煩雨雪衣裘敝長安十二衢回戟朱扉衛冠蓋起  
雞鳴蹀躞名豪騎通籍平生交於今悉凋替磬折  
當塗前問語不敢對衰白齒坐愁逡巡與之避禁  
掖無立談獨行心且悸邂逅君登朝讀書入中秘  
父子被詔除一堂共昆季呼兒爭出拜索果牽衣  
戲回首十六年踪跡猶堪記在苒曾幾何萬事經  
興廢停觴重剪燭相對加嘘唏我行感衰疾腰脚  
增疲曳可憐扶杖走尚逐名賢隊薄祿貪負閒憂

楸木集二十一  
責仍不細扈從游甘泉淅淅驚沙厲藉草貧無種  
僕夫枕以塊霜風帽帶斜頭寒縮如蝟入門問妻  
孥呻吟在牀被幼女掩面啼燈青照殘穗白楊何  
蕭蕭衝泥送歸櫂爾死顧得還我留復誰爲苟有  
親識人通都走聲利厚意解羈愁盛言推名位不  
悟聽者心但若芒在背忽接山中書又責以宜退  
卿言誠復佳我命有所制總未涉世深止知乞身  
易悶卽君過存高談豁蒙蔽苦樂來無方窮達總  
一致同是集蓼蟲以此識其味人生厭束縛擺落

須才氣君初丞相家祖德簪纓繼吐納旣風流姿  
容更瓌異披史妙縱橫論詩富裁製激昂承明廷  
面折公卿議文士寡先容疎通得交臂騶哄訪當  
關休沐杉齋閉良工鑄干將出匣蛟龍忌趨駕度  
太行躡躡棄騏驎矯矯朗陵公竟下考功第老夫  
迫枯朽抱膝端居睡雖稱茂陵病終乏鴟夷智遜  
子十倍才焉能一官棄早貴生道心中年負名義  
蹉跎甘皓首此則予所媿君今謝塵鞅輕裝去如  
駛雙槩石頭城木落征驂憩過我儒林館寒鴉噪

平地函丈無復存依舊晴嵐翠明年春水滿客興  
烟波趣鶯啼笠澤船花發龍沙醉高堂剖符竹盡  
室千山內郡閣遶鳴灘日哺散人吏無書悼遷斥  
有夢傷迢遞嶺雁時獨飛楚天樹如薺雙眼渺荒  
江片帆忽而至家人迎棹立愛子趨庭慰誰云謫  
宦愁老覺君恩最共上鬱孤臺側身望燕魏惆  
悵念故人沉吟不能置三載客他鄉一朝遽分袂  
勞生任潦倒矢志同飄寄少壯今逍遙老大俯濡  
滯舉世縱相識出門竟誰詣太息行路難殷<sub>二</sub>進

規誨後會良可希尺書到猶未相去各一方天涯  
隔憔悴開篋視此詩怳怳不能寐

送宛陵施愚山提學山東

秦皇昔東巡作歌示來裔李斯留篆刻足共神仙  
配胡爲秦岱巔蒼碑獨無字持此謝六經免滋後  
賢議至今倉頡臺行人尚流涕君今懷古跡斯文  
起凋敝蟲魚雖改竄扶桑自天際千載靈光宮丹  
書閉房記兵火獨搜揚重見鍾離意

其二

魯儒好逢掖，偃僂循墻恭。長劍忽拄頤，掉舌譚天  
雄。諸侯走書幣，擁篲梧丘宮。孟嘗一公子，珠履傾  
關東。後來北海相，坐上猶遺風。君愁吳越士，名在  
甘陵中。無使稷下徒，車馬矜雍容。華士苟不戮，橫  
議將安窮。古道誠可作，千里尊龜蒙。

其三

伊昔嘉隆時，文章尚丹雘。矯矯濟南生，突過黃初  
作。百年少知已，褒譏互參錯。風習使之然，詩書徇  
然諾。淒涼白雲署，前賢遂寥廓。君初領法曹，追踪  
好樓托。此行過歷下，高風緬如昨。太白游山東，後  
來訪廬霍。獨愛宣州城，江山足吟謔。讀君官舍詩，  
鄉心戀巖壑。目斷敬亭雲，口銜竹溪酌。借問謫仙  
人，何如謝康樂。

磬清湖

并序

磬清湖者，西連陳，湖南接陳墓，其先褚氏之所居也。磬清者，土人以水清疑其下有磬石，故名。或曰范蠡去越，取道於此，湖名范遷，以音近而訛，世遠莫得而攷也。太湖

居吾郡之北有大山衝擊風濤湍悍而陳湖諸水渟泓演迤居人狎而安焉烟村水市若鳧雁之着波面千百於其中土沃以厚畝收二鍾有魚蝦菱芡之利資船以出入科徭視他境差緩故其民日以饒不爲盜吾宗之繇倩青房公益兄弟居於此四世矣余以乙酉五月聞亂倉黃攜百口投之中流風雨大作扁舟掀簸榜人不辨水門故處久之始達主人開門延宿雞黍酒

漿將迎灑掃其居前榮後寢葭蘆掩映榆柳蕭疎月出柴門漁歌四起杳然不知有人世事矣是時姑蘇送款兵至不戮一人消息流傳緩急互異湖中烟火晏然予將卜築買田耦耕終老居兩月而陳墓之變作於是流離轉徙懂而後免事定將踐前約尋以世故牽挽流涕登車疾病顛連關河阻隔比三載得歸而青房過訪草堂見予髮白齒落深怪早衰又以其窮愁笑獨

妻妾相繼下世因話昔年湖山兵火奔走  
提攜心力枉枯骨肉安在太息者久之青  
房亦以毀家紓役舊業蕩然水鳥樹林依  
稀如故而居停數椽斷籬零甃固有存者  
人世盛衰聚散之故豈可問耶撫今追往  
詮次爲五言長詩用識吾慨且以明舊德  
於不忘也

吾宗老孫子住在礬清湖湖水清且漣其地皆膏  
腴堤栽百株柳池種千石魚教僮數鵝鴨遶屋開  
芙蓉有書足以讀有酒易以沽終老寡送迎頭髮  
可不梳相傳范少伯三徙由中吳一舸從此去在  
理或不誣嗟予遇兵火百口如飛鳧避地何所投  
扁舟指菰蒲北風晚正急烟港生模糊船小吹雨  
來衣薄無朝餉前村似將近路轉忽又無倉皇值  
漁火欲問心已孤俄見葭菼邊主人出門呼開柵  
引我船掃室容我徒我家兩衰親上奉高堂姑艱  
難總頭白動止需人扶妻妾病伶仃嘔吐當中途  
長女僅九齡餘泣猶呱呱入君所居室燈火映牕

疏寬閒分數寢嬉笑喧諸雛縛帚東西廂行李安  
從奴前牕張罌網後壁掛耒鋤苦辭村地僻客舍  
無精麤剪韭烹伏雌斫鱠炊彫胡床頭出濁醪人  
倦消幾壺睡起日已高曉色開烟蕪漁灣一兩家  
點染江村圖沙嘴何人舟消息傳姑蘇或云江州  
下不比揚州屠早晚安集椽鞍馬來南都或云移  
民房插箭下嚴符囊橐歸他人婦女充軍俘里老  
獨晏然催辦今年租饁畊看賽社釀飲聽呼盧軍  
馬總不來里巷相爲娛而我游其間坦腹行徐徐

見人盡恭敬不識誰賢愚魚蝦盈小市鳧雁充中  
厨月出浮溪光萬象疑沾濡放梅凌滄浪笑弄驪  
龍珠夷猶發浩唱禮法胡能拘東南雖板蕩此地  
其黃虞世事有反覆變亂興須臾草草十數人盟  
歆起里閭兔園一老生自詭讀穰苴漁翁爭坐席  
有力爲專諸解觥飾於皇策笠裝犀渠大笑擲釣  
竿赤手搏於菟欲奪夫差宮坐擁專城居予又出  
子門十步九崎嶇脫身白刃間性命輕錙銖我去  
子亦行後各還其廬官軍雖屢到尚未成丘墟生



涯免溝壑身計謀樵漁買得百畝田從子學長沮  
天意不我從世網將人驅親朋盡追送涕泣登征  
車吾生罹干戈猶與骨肉俱一官受逼迫萬事堪  
歎歎倦策旣歸來入室翻次且念我平生人慘澹  
留羅襦秋雨君叩門一見驚清癯我苦不必言但  
坐觀髭鬚歲月曾幾何筋力遠不如遭亂若此衰  
豈得勝奔趨十年顧妻子心力都成虛分離有定  
分久暫理不殊翻笑危急時奔走徒區區君時聽  
我語顏色慘不舒亂世畏盛名薄俗容小儒生來

遠朝市謂足逃沮洳長官誅求急姓氏屬甲胥夜  
半聞叩門瓶盎少所儲豈不惜堂構其奈愁征輸  
庭樹好追涼剪伐存枯株池荷久不開歲久填泥  
淤廢宅鋤爲田薺麥生階除當時棲息地零落今  
無餘生還愛節物高會逢茱萸好採籬下菊且讀  
囊中書中懷苟自得外物非吾須君觀鴟夷子眷  
戀傾城姝千金亦偶然奚足稱陶朱不如棄家去  
漁釣山之隅江湖至廣大何惜安微軀揮手謝時  
輩慎勿空躊躇

梅村集卷第三十八

梅村集卷第三

五言古詩三

清涼山讚佛詩

西北有高山云是文殊臺臺上明月池千葉金蓮  
 開花花相映發葉葉同根栽王母攜雙成綠蓋雲  
 中來漢主坐法宮一見光徘徊結以同心合授以  
 九子釵翠裝雕玉輦丹髯沉香齋護置琉璃屏立  
 在文石階長恐乘風去舍我歸蓬萊從獵往上林  
 小隊城南隍雪鷹異凡羽果馬殊羣材言過樂游

苑進及長楊街張宴奏絲桐新月穿宮槐攜手忽  
太息樂極生微哀千秋終寂寞此日誰追陪陛下  
壽萬年妾命如塵埃願共南山柳長奉西宮杯披  
香淖博士側聽私驚猜今日樂方樂斯語胡爲哉  
待詔東方生執戟前詼諧薰鑪拂黼帳白露零蒼  
苔吾王慎玉體對酒毋傷懷

其二 山精樹精

傷懷驚涼風深宮鳴蟋蟀嚴霜破瓊樹芙蓉凋素  
質可憐千里草萎落無顏色孔雀蒲桃錦親自紅

女織殊方初云獻知破萬家室瑟瑟大秦珠珊瑚  
高八尺割之施精藍千佛莊嚴飾持來付一炬泉  
路誰能識紅顏尚焦土百萬無容惜小臣助長號  
賜衣或一襲只愁許史輩急淚難時得從官進哀  
誄黃紙抄名入流涕盧郎才咨嗟謝生筆尚方列  
珍膳天厨供玉粒官家未解菜對案不能食黑衣  
召誌公白馬馱羅什焚香內道場廣座楞伽譯資  
彼象教恩輕我人王力微聞金雞詔亦由玉妃出  
高原營寢廟近野開陵邑南望蒼舒墳掩面添悽

惻戒言秣我馬遨遊凌八極

其三

八極何茫茫日往清涼山此山蓄靈異浩氣供屈  
盤能蓄太古雪一洗天地顏日馭有不到縹緲風  
雲寒世尊昔示現說法同阿難講樹聳千尺搖落  
青琅玕諸天過峰頭絳節乘銀鸞一笑偶下謫脫  
却芙蓉冠遊戲登瓊樓窈窕垂雲鬢三世俄去來  
任作優曇看名山初望幸衛命釋道安預從最高  
頂灑掃七佛壇靈境乃杳絕捫葛勞躋攀路盡逢

一峰傑閣圍朱闌中坐一天人吐氣如梅檀寄語  
漢皇帝何苦留人間烟嵐倏滅沒流水空潺湲回  
首長安城緇素慘不歡房星竟未動天降白玉棺  
惜哉善財洞未得誇迎鑿惟有大道心與石永不  
刊以此護金輪法海無波瀾

其四

嘗聞穆天子六飛騁萬里仙人觴瑤池白雲出杯  
底遠駕求長生逐日過濛汜盛姬病不救揮鞭哭  
弱水漢皇好神仙妻子思脫屣東巡并西幸離宮

宿羅綺寵奪長門陳恩盛傾城李穠華卽修夜痛  
入哀蟬誅苦無不死方得令昭陽起晚抱甘泉病  
遽下輪臺悔蕭蕭茂陵樹殘碑泣風雨天地有此  
山蒼崖闕興毀我佛施津梁層臺簇蓮蘂龍象居  
虛空下界聞鬪蟻乘時方救物生民難其已澹泊  
心無爲怡神在玉几長以兢業心了彼清淨埋羊  
車稀復幸牛山竊所鄙縱灑蒼梧淚莫賣西陵屨  
持此禮覺王賢聖總一軌道參無生妙功謝有爲  
耻色空兩不住收拾宗風裏

石公山

真宰斲雲根奇物思所置養之以天池益益插靈  
異初爲仙家困百仞千倉閉金鬲炊雲中杵臼鳴  
天際忽而遇巖城猿猴不能縋遠窺樓櫓堅逼視  
戈矛利一關當其中飛鳥爲之避仰睇微有光投  
足疑無地循級登層巔天風豁蒼翠疲喘干犀牛  
落落誰能制偃僂一老人獨立拊其背旣若拱而  
揖又疑隱而睡此乃爲石公三問不吾對

歸雲洞

歸雲何孱顏  
離斷自太古  
千松互盤結  
托根無一  
土呀然丹崖  
開蒼茫百靈  
斧萬載長欹  
危撐拄良  
亦苦古佛自  
爲相一身雜  
仰俯依稀莓  
苔中葉葉  
青蓮吐若以  
皮真詮足號  
藏書府仙翁  
刺船來坐  
擘麒麟脯鐵  
笛起中流進  
酒虬龍舞晚  
向洞中眠  
吒石開百武  
牀几與棋局  
一一陳廊廡  
翩然自茲  
去黃鵠瀟湘  
浦恐使吾徒  
窺還將白雲  
補

縹緲峰

茲峰非云高高與衆山  
別其下多嵌空天風吹不

折挿樵虛無際縹緲爲險絕  
細徑緣山腰人聲來  
木末籃輿雜徒步佳處欣屢歇  
躋嶺路倍艱往往攬垂葛  
灝氣凌沈寥一身若冰雪  
輕心出天地羽翮生  
髣髴杖底撥殘雲了了見吳越  
曜靈燭滄浪澗漾金光發  
陰霞俄已變慘澹玄雲結  
歸筇破暝靄半嶺值虹蜺  
始知清境杳跡共人鳥滅  
丹砂定可求苦爲妻子奪  
看君衣上雲飛過松間月

林屋洞

震澤初未定水石爭相攻  
神龍排杳冥盪擊沉虛

柳木集三五  
宮仙人資禹力洞府開洪濛惜哉石函書不救夫  
差窮大道既已洩國祚於焉終我行訪遺蹟興極  
探虛空絕徑不可肥白視猶枯筇山神愛僂僕直  
立憂微躬以之生退怯匍匐羞兒童傳聞過險澀  
谿呀來天風松炬厭明滅乳竇驚青紅洪崖應常  
來牀几陳從容何不迴真馭日月行其中銀房闕  
幽異勿使吾徒同終當齋餼糧鍊骨如飛鴻路穿  
三江底境與諸天通南浮瀟湘水西上峩眉峰歸  
來詫里人足此靈威翁

送周子俶

五載寄幽燕歸來問家室入門四壁在小婦當牕  
織恐其話饑寒且呼治酒食妻子識君心低頭惟  
默默嗟余忝隣里欲語弗遑及聞君又行邁君歸  
曾幾日睽此父母邦過若遠鄉客丈夫志四海行  
矣須努力

其二

努力羸餼糧秋風卽長路京口正用兵倉皇過瓜  
步扁舟戒行李六月黃河怒脫身萬仞淵此險何

柳村集三十六  
足數慷慨輕波壽長年豈知故中道感舊交良爲  
詩書悞餘生嬰世網重來獻詞賦登高望烽火躊  
躇屢迴顧

其三

迴顧去鄉遠進及長安城禁門十二戟策馬聞雞  
鳴解褐初登朝日出趨承明慶雲生堦墀天樂和  
且平立談計誠用萬里無專征忘形樂簡易任氣  
高縱橫常恐斗酒後脫略驚公卿一官了婚嫁可  
以謀歸畊

其四

歸畊東岡陂清流貫羣木月明夜方靜高話溪堂  
宿破產求神仙丹砂狗微祿玉書晚應悟至道亡  
情欲一飯輒萬錢并日恒不足知交雖云厚距可  
先骨肉閱世經艱難息心謝榮辱平生著述事尚  
有殘編讀

蕩子失意行贈李雲田

君家楚山下門前溪水  
流願識賢與豪不羨公與  
侯動足有萬里妻子何能留丈夫重意氣耻爲兒



女柔中夜理瑤瑟思婦當高樓鶯花二三月送君  
下揚州小孤白浪惡腸斷征帆收長干嬌麗地一  
顧嘶驂騶茵莒亦已落蘭杜方經秋十月嚴風寒  
剪燭紉衣裘太行車輪摧落葉填霜溝君又自茲  
去匹馬將誰投趙女顏如花窈窕迴明眸皎皎雙  
行躔巧笑舉羅幃男兒重紅粉妾夢輕浮漚今年  
附書至慰訊猶綢繆客囊無長物旅病才新瘳途  
窮狗知己進止詎自由狂走三十年布褐空蒙頭  
不如歸去來漁釣滄浪謳大兒誦文史小婦彈箜  
篋南村沽社酒西舍牽明牛人生一遠廬漂泊如  
飛鷗得意匪爲樂失路寧關愁居爲段干隱出作  
盧敖游我欲竟此曲君笑登扁舟碧天浩無際極  
目徒悠悠

丁未三月廿四日從山後過湖宿福源精舍  
千林已暝色一峰猶夕陽拾級身漸高樵徑何微  
茫回看斷山口樹杪浮湖光松子向前落道人開  
石房橘租養心性取足鬚眉蒼清磬時一聲流水  
穿深篁我生亦何幸暫憩支公床客夢入翠微人

事良可忘

廿五日偕穆苑先孫浣心葉子聞允文游石  
公山盤龍石梁寂光歸雲諸勝

大道無端倪真宰有融結茲山在天壤靈異蓄不  
泄萬竅凌虛無一柱支毫末疑豈愚公移愁爲巨  
靈拔劉根作堂與柳毅司扃鑰誰啓仙人間繫我  
漁父柵刻鏤洪濛雲雕搜大荒雪或人而痾瘿或  
馬而蹄齧或負藏壑舟或截專車節或象神鼎鑄  
或類昆吾切地肺庖丁解月窟工錘伐石困封餼

糧天厨甃涓潔重賺累甃甃短柱增樞稅瓜瓢觚  
稜剖木皮槎枒裂皚皚黃河水炎炎崑岡蒸哈呀  
舞辟邪談甜張饕餮斗起聳雲關一道通箭筈碧  
藕玲瓏根文螺宛委穴丹梯躡而上鬱鬱虛皇闕  
突兀撐青旻插地屏障列一身生羽翰百尺跨虹  
蜺斷澗吟楓柟颯爽侵毛髮側窺漏日影了了澄  
潭澈雞聲出烟井乃與人境接迴思頃所歷過眼  
纔一瞥秦皇及漢武好大同蠓蟻齊諧不能志炙  
輒不能說酈桑二小儒註書事抄撮陋襲李斯碑

闕補周王碣關全亦妙手惜未適吳越嵩華雖云  
高無以鬪巧拙時俗趨姿媚烟巒漫塗抹妄使僉  
父輩笑我驕蟻垤京江吸金焦漢水注大別流峙  
合而滙奇氣乃一發睥睨五嶽間誰與分優劣扶  
杖一村翁眼看話年月昔逢猶兒童今見已耄耄  
昨聞縣帖下搜索到魚鱉訝彼白鼉逃無乃青草  
竭却留幽境在似爲肥遯設當年綺里季卜居採  
薇蕨皓首走漢廷恨未與世絕若隨靈威去此處  
攬藤葛子房知難致欲薦且捫舌浮生每連蜷塵

界儘空濶謀免妻孥愁計取山水悅入春桃李過  
韶景聽啼鳩籃輿累親舊同載有二葉穆生老而  
健孫郎才且傑彼忘筋力勞我愛賓朋挈過湖曳  
輕帆入寺憩深樾老僧諧語笑妙理攻麴蘖曉起  
陳盤餐飽食非麤糲桑畦路宛宛筍屨行兀兀快  
意在此游失記遺七八平湖鋪若茵磐石幾人歇  
蹲踞當其旁拒戶相支過黝黑聲訇稜欲進遭噴  
喝側肩僅容趾腹背供磨軋下踰薜磴牢上覩崩  
崖豁攀躋差毫釐失足憂一蹶前奇慕先過後險

欣乍脫歌呼雜韶穉嘻笑視履襪君看長安道高  
步多蹉跌散誕來江湖蒲伏羞干謁頭因石丈低  
腰向山靈折四月將已近天時早炎熱揮汗何沾  
濡驚飈俄凜冽歸來北窓枕響入山溜徹不寐話  
夜涼連床擁裘褐晚歲艱出門端居意騷屑閒踪  
習羈旅逸興貪放達跌蕩馮夷宮遊戲天吳窟將  
毋神鬼怒亟遣風雨奪勝事滿現前得失歸勇怯  
衰老偕故人幸喜茲游決它年子胥濤百里聞咤  
咄鱸鮪隨風雷頸鎖金牛掣鮫人拭床几神女洗

環玦碾磕打空灘澎湃濺飛沫噌吰無射鐘嘹唳  
絀賓鐵孤客爲旁皇嫠婦爲悽咽那知捩柁下我  
輩行車轍再拜告石公相逢慰饑渴旣從人間世  
忍再洪波沒志怪作大言嗜奇私神物肯學楊焉  
鐫願受壺公訣縮之入懷袖弄之置盆鉢栽松龍  
氣上蓄水雲根活長留文士玩勿被山君竊嘗聞  
响嘍峰科斗尊往牒剝蝕存盤螭捫索嗟完缺此  
山通巴陵下有神禹札後代文字衰致起龍蛇孽  
我有琅玕管上灑湘娥血濯足臨滄浪浩思吟不

輟未堪追陽水猶足誇李渤隱從烟霞閉出供時  
世閱刻之藏書巖千載應不滅

游石公歸是夜驟雨明晨微霽同諸君天王

寺看牡丹

烟嵐澹方霽沙暖得徐步訪寺苔徑微遠近人語  
誤道半逢一泉曲折隨所赴觸石松頂飛其白或  
如鷺尋源入杳冥壑絕橋屢渡中有二比丘種桃  
白雲護花將舞而笑石則落猶怒澆之以杯酒娟  
然若迴顧此處疑仙源快意兼緇素苦辭山地薄

縣官責常賦蔬果雖已榮龍象如欲訴學道與養  
生得失從時務吾徒筋力衰萬事俱遲暮太息因  
歸來鐘聲發清悟

春水揖山樓

名山誰逢迎遇人若俯仰心目無端倪默然與之  
往幽泉互相答飛鳥入空想傑閣生其間櫺軒爭  
一爽嘉樹爲我圓坐久惜餘賞暝靄忽而合明月  
出孤掌彈琴坐其中萬籟避清響良夜此會難佳  
處莫能獎

鹽官僧香海問詩於梅村村梅大發以詩謝  
之

但訪梅花來今見梅花去何必為村翁重尋灌園  
處種梅三十年遶屋已千樹饑摘花蕊餐倦抱花  
影睡枯坐無一言自謂得花意師今遠來游恰與  
春光遇索我囊中詩搔首不能對寄語謝故人幽  
香養衰廢溪頭三尺水好洗梅魂句

直溪吏

直溪雖鄉村故是尚書里短棹經其門叫聲忽盈

耳一翁被束縛苦辭橐如洗吏指所居堂卽貧誰  
信爾呼人好作計緩且受鞭箠穿漏四五間中已  
無窓几屋梁紀月日仰視殊自恥昔也三年成今  
也一朝毀貽我風雨愁飽汝歌呼喜官逋依舊在  
府帖重追起旁人共歛歎感嘆良有以東家瓦漸  
稀西舍墻半圯生涯分應盡遲速總一理居者今  
何栖去者將安徙明歲留空村極目唯流水

臨頓兒

臨頓誰家兒生小矜白晢阿爺負官錢棄置何倉

卒給我適誰家朱門臨廣陌囑儂且好住跳弄無  
知識獨怪臨去時摩首如憐惜三年教歌舞萬里  
離親戚絕伎逢侯王寵異施恩澤高堂紅氍毹華  
燈布瑤席授以紫檀槽吹以白玉笛文錦縫我衣  
珍珠裝我額瑟瑟珊瑚枝曲罷恣狼藉我本貧家  
子邂逅遭拋擲一身被驅使兩口無消息縱賞千  
黃金莫救餓死骨歡樂居它鄉骨肉誠何益

梅村集卷第四

七言古詩一

行路難

奉君乘鸞翊月之美扇耶谿赤堇之寶刀莞莠桃  
笙之綺席嗚阿激楚之洞簫丈夫得意早行樂歌  
舞任俠稱人豪舉杯一歌行路難酒闌鐘歇風蕭  
蕭

其二

長安巧工製名燈七龍五鳳光層層中有青熒之

朱火下有映徹之澄水游魚揚鬣肆澆潏飛鳥奮  
翼思騫騰黑風吹來徧槐市狂花振落燒觚稜金  
吾之威不能禁鐵柱倒塌銅盤傾使人策馬不能  
去青燐鬼哭唯空城

其三

君不見無須將閭叫呼天賜錢請葬驪山邊父爲  
萬乘子黔首不得耕種咸陽田君不見金墉城頭  
高百尺河間成都弄刀戟草木萌芽殺長沙狂風  
烈烈吹枯骨人生骨肉那可保富貴榮華幾時好

龍子作事非尋常奪棗爭梨天下擾金牀玉几不  
得眠一朝零落同秋艸

其四

愁思忽不樂乃上咸陽橋盤螭蹲獸勢相齧豁呀  
口鼻吞崩濤當時平明出萬騎馬蹄蹀躞何逍遙  
長安冠蓋一朝改紫裘意氣非吾曹柴車辟易伏  
道畔舍人辭去妻孥嘲人生太行起面前何必褒  
斜棧閣崎嶇高

其五



君不見南山松柏何葱菁於世無害人無爭斧聲  
丁丁滿崖谷不知其下何王陵玉箱夜出寶衣盡  
冬青葉落吹魚燈石馬無聲缺左耳豐碑倒折纏  
枯藤當時公卿再拜下車過今朝蔓草居人耕

其六

漢家身毒鏡大如八銖錢蒲桃錦囊雖黯澹盤龍  
婉轉絲結連云是宣皇母后物摩挲愛惜宮中傳  
七花埋沒今千年對此撫几長嘆息金張許史皆  
徒然

其七

君不見黃河之水從天來一朝乃沒梁王臺梁王  
臺成高崔嵬禁門平旦車如雷千尺金堤壞百里  
巖城開君臣將相竟安在化爲白龜與黃能乃知  
水可亡人國昆明劫灰何如哉

其八

男兒讀書良不惡屈首殘編務穿鑿窮年矻矻竟  
無成徒使聲華受蕭索君不見王令文章今大進  
丘公官退才亦盡寂寂齋居自著書太玄奇字無

人問

其九

伏軾說人主談笑稱上客一見賜黃金再見賜白  
璧夜半宮中獨召見母弟通侯皆避席上殿批逆  
鱗下殿犯貴戚犀首進讒譖韓非受指摘夜走函  
谷關逡巡不能出君不見范雎折脇懲前事身退  
功成歸蔡澤

其十

君不見鄭莊洗沐從知交傾身置驛長安郊又不  
見任君談辭接後進冠蓋從游數百乘人生盛名  
致賓客失勢人情諒非昔年少停車莫掃門故人  
行酒誰離席

其十一

直諫好言事召見拜司隸彈劾中黃門鯁切無所  
避天子初見容謂是敢言吏以茲增感激居官厲  
鋒氣奏對金商門縛下都船獄髡頭徙朔方衆怒  
猶不足私劔揣其喉赤車再收族橫尸都亭前妻  
子不敢哭酒色作直都殺人藏頭畏尾徒碌碌

其十二

拔劍橫左膝嗔目悲歌向坐客我初從軍縛袴褶  
手擊黃顰弓霹靂生來不識官家貴帶甲持兵但  
長揖驅馬來中原尚書奏功級前庭論爵賞後殿  
賜飲食烏爨家兒坐我上壞坐爭言多酒失御史  
彈文讀且糾待罪驚憂不敢出還君絳衲兩當衫  
歸去射獵終南山

其十三

平生俠游尚輕利劇孟爲兄灌夫弟使酒罵坐人

探丸斫俗吏流血都市中追兵數十騎借問追者  
誰云是灞陵杜穉季抽矢弗射是故人兩馬相逢  
互交臂吾徒豈相厄便當從此逝泰山羊氏能藏  
跡北海孫公堪避世復壁埋名二十年赦書却下  
咸陽尉歸來故鄉無負郭破家結客成何濟

其十四

今我思出門圖作雒陽賈東游陳鄭北齊魯白璧  
一雙交王公明珠十斛買歌舞關中輶車方算緒  
高輪峩峩下荆楚道阻淮南兵貨折河東估朝爲

倚頓暮黔婁乞食吹簫還故土

其十五

丈夫少年使絕域從行吏士交河卒布衣功拜甘  
泉侯獨護高車四十國蒲萄美酒樽中醉汗血名  
駒帳前立富貴歸故鄉上書乞骸骨漢使遮玉關  
不遣將軍入軍中夜唱行路難條支海上秋風急

其十六

西莫過金牛關懸崖鐵鎖猿猱攀南莫過惡道灘  
盤渦利石戈矛攢猩猩啼兮杜鵑叫落日青楓山

鬼嘯篁竹深巖不見天我所悲兮在遠道

其十七

結帶理流蘇流蘇紛亂不能理當時羅帷鑿明月  
皎皎容華若桃李一自君出門深閨厭羅綺有人  
附書還君到長千里名都鶯花發皓齒知君眷眷  
嬋娟子太行之山黃河水君心不測竟如此寄君  
翡翠之鸚釵傳璣之墜珥勸君歸來且歡喜卧疾  
空床爲君起

其十八

吾將老焉惟糟丘裸身大笑輕王侯禮法之士憎  
如讐此中未得逍遙游不如飲一斗頽然便就醉  
執法在前無所畏君不見嵇生幽憤阮生哭箕踞  
狂呼不得意

永和宮詞

揚州明月杜陵花夾道香塵迎麗華舊宅江都飛  
燕井新侯關內武安家雅步纖腰初召入鈿合金  
釵定情日豐容盛鬋固無雙蹴鞠彈碁復第一上  
林花鳥寫生綃禁本鍾王點素毫楊柳風微春試

馬梧桐露冷暮吹簫 君王宵旰無歡思宮門夜  
半傳封事玉几金床少晏眠陳娥衛艷誰頻侍貴  
妃明慧獨承恩宜笑宜愁慰 至尊皓齒不呈微  
索問蛾眉欲蹙又溫存本朝家法脩清讌房帷久  
絕珍奇薦勅使惟追陽羨茶內人數減昭陽膳維  
揚服製擅江南小閣爐烟沉水含私買瓊花新樣  
錦自脩水遞進黃柑中宮謂得 君王意銀鑲不  
妬溫成貴早日艱難護大家比來歡笑同良娣奉  
使龍樓賈佩蘭往還偶失兩宮歡雖云樊嫵能辭

令欲得昭儀喜怒難綠綈小字書成印瓊函自署  
充華進請罪長教 聖主憐含辭欲得 君王愠  
君王內顧恤傾城故劍還存敵體恩手詔玉人  
蒙詰問自來階下拭啼痕外家官拜金吾尉平生  
游俠多輕利縛客因催博進錢當筵便殺彈箏伎  
班姬才調左姬賢霍氏驕奢竇氏專涕泣微聞椒  
殿詔笑譚豪奪灞陵田有司奏削將軍俸貴人冷  
落宮車夢永巷傳聞去玩花景和門裏誰陪從天  
顏不憚侍人愁后促黃門召共游初勸官家佯不

應玉車早到殿西頭兩王最小牽衣戲長者讀書  
少者弟聞道羣臣譽定陶獨將多病憐如意豈有  
神君語帳中漫云王母降離宮巫陽莫救蒼舒恨  
金鎖彫殘玉筯紅從此 君王慙不樂叢臺置酒  
風蕭索已報河南失數州况經少子傷零落貴妃  
瘦損坐匡床慵髻啼眉掩洞房荳蔻湯溫冰簟冷  
荔支漿熱玉魚涼病不禁秋淚沾臆裴回自絕  
君王膝苔沒長門有夢歸花飛寒食應相憶玉匣  
珠襦啓便房薤歌無異葬同昌 君王欲製哀蟬

賦誅筆詞臣有謝莊頭白宮娥暗嘆蹙庸知朝露  
非爲福宮草明年戰血腥當時莫向西陵哭窮泉  
相見痛倉黃還向官家問永王幸免玉環逢喪亂  
不須銅雀怨興亡自古豪華如轉轂武安若在憂  
家族愛子雖添北渚愁外家已葬驪山足夜雨椒  
房陰火青杜鵑啼血濯龍門漢家伏后知同恨止  
少當年一貴人碧殿淒涼新木拱行人尚識昭儀  
塚麥飯冬青問茂陵斜陽蔓草埋殘壠昭丘松檟  
北風哀南內春深擁夜來莫奏霓裳天寶曲景陽

宮井落秋槐

琵琶行

并序

去梅村一里爲王太常烟客南園今春梅  
花盛開予偶步到此忽聞琵琶聲出於短  
垣叢竹間循墻側聽當其妙處不覺拊掌  
主人開門延客問向誰彈則通州白在湄  
子或如父子善琵琶好爲新聲須臾花下  
置酒白生爲予朗彈一曲迺先帝十七  
年以來事敘述亂離豪嘈淒切坐客有舊

中常侍姚公避地流落江南因言先帝  
在玉熙宮中梨園子弟奏水嬉過錦諸戲  
內才人於暖閣齎鏤金曲柄琵琶彈清商  
雜調自河南寇亂天顏常慘然不悅無復  
有此樂矣相與哽咽者久之於是作長句  
紀其事凡六百二言仍命之曰琵琶行

琵琶急響多秦聲對山慷慨稱入神同時漾陂亦  
第一兩人失志遭遷謫絕調王康並盛名崑崙摩  
詰無顏色百餘年來操南風竹枝水調謳吳儂里  
人度曲魏良輔高士填詞梁伯龍北調猶存止弦  
索朔管胡琴相間作盡失傳頭誤後生誰知却唱  
江南樂今春偶步城南斜王家池館彈琵琶悄聽  
失聲叫奇絕主人招客同看花爲問按歌人姓白  
家住通州好尋覓袴褶新更回鶻裝虬鬚錯認龜  
茲客偶因同坐話先皇手把檀槽淚數行抱向  
人前訴遺事其時月黑茫茫初撥鵝弦秋雨滴  
刀劍相磨轂相擊驚沙拂面鼓沉沉砉然一聲飛  
霹靂南山石裂黃河傾馬蹄迸散車徒行鐵鳳銅



盤柱摧塌四條茲上烟塵生忽焉摧藏若枯木寂  
寞空城烏啄肉轆轤夜半轉伊啞嗚咽無聲貴人  
哭碎珮叢鈴斷續風冰泉凍壑瀉淙淙明珠瑟瑟  
拋殘盡却在輕籠慢燃中斜抹輕挑中一摘滲慄  
颼颼憊肌骨銜枚鐵騎飲桑乾白草黃沙夜吹笛  
可憐風雪滿關山烏鵲南飛行路難猥嘯颺啼山  
鬼語瞿塘千尺響鳴灘坐中有客淚如霰先朝  
舊直乾清殿穿宮近侍拜長秋咬春燕九陪游燕  
人先皇駕幸玉熙宮鳳紙僉名喚樂工苑內水嬉

金傀儡殿頭過錦玉玲瓏一自中原盛豺虎煖閣  
才人撤歌舞插柳停搗素手箏燒燈罷擊花奴鼓  
我亦承明侍至尊止聞鼓樂奏雲門段師淪落  
延年死不見君王賜予恩一人勞悴深宮裏  
賊騎西來趨易水萬歲山前鞞鼓鳴九龍池畔悲  
笳起換羽移宮總斷腸江村花落聽霓裳龜年哽  
咽歌長恨力士淒涼說上皇前輩風流最堪羨明  
時遷客猶嗟怨卽今相對苦南冠昇平樂事難重  
見白生爾盡一杯酒繇來此伎推能手岐王席散

少陵窮五陵召客君知否獨有風塵潦倒人偶逢  
絲竹便沾巾江湖滿地南鄉子鐵笛哀歌何處尋

雜陽行

詔書早洗雜陽塵叔父如王有幾人  
實先帝玉符分愛子西京銅狄泣  
王孫白頭宮監鋤荆棘曾在華清內  
承直遭亂城頭烏夜啼四十年來事堪憶  
神皇倚瑟楚歌時百子池邊嫋柳絲  
早見鴻飛四海翼可憐花發萬年枝  
銅扉未啓牽衣諫銀箭初殘淚如霰  
幾年不省公車章後來數罷昭陽宴

骨肉終全異母恩功名徒付上書人  
貴彊無取諸侯相調護何關老大臣  
萬歲千秋相訣絕青雀投懷玉魚別  
昭丘烟草自蒼茫湯殿香泉暗嗚咽  
析圭分土上東門寶轂雕輪九陌塵  
驅山西去辭溫室渭水東流別任城  
少室峰頭寫桐漆靈光殿就張琴瑟  
願王保此黃髮期誰料遭逢黑山賊  
嗟乎龍種誠足憐母愛子抱非徒然  
江夏漫裁脩柏賦東阿徒詠豆萁篇  
我朝家法踰前制兩宮父子無遺議  
廷論繇來責佞夫國恩自是優如意  
萬家湯

沐啓周京千騎旌旗給羽林總爲先朝憐白象豈  
知今日誤黃巾鄒枚客館傷狐兔燕趙歌樓散烟  
霧茂陵西築望思臺月落青楓不知路今皇興  
念總帷哀流涕黃封手自裁殿內遂停三部伎宮  
中爲設八關齋束薪流水王人戍太牢加璧通侯  
祭帝子魂歸南浦雲玉妃淚灑東平樹北風吹  
雨故宮寒重見新王受詔還唯有千尋舊松枯照  
人落落嵩高山

宮扇

宣皇清暑幸離宮碧檻青疏十二重七寶鑄銅薰  
鴨貴千金磁翠鬪雞紅玳瑁簾開南內宴沉香匣  
啓西川扇蟬翼描來雲母輕冰紈製就天孫艷丹  
霞滃起駕雲輶王母雙成絳節還玉管鳳銜花萬  
壽銀濤龍蹴海三山芙蓉水殿琉璃徹內家尚苦  
櫻桃熟九華初御詠招涼落葉迴風若霜雪峨眉  
萬里尚方船雉尾千秋奏御箋公主合歡嬌翡翠  
昭容反影鬪嬋娟遭逢召見南薰殿思陵日昃  
猶揮汗天語親傳賜近臣先生進講幽風倦黃

羅帕捧出雕闌画筵丹青掌上看俸薄買嫌燈市  
價恩深攜謝閣門班自離卷握秋風急蹇驢便面  
誰人識聞道烽烟蔽錦城齊統楚竹無顏色石榴  
噴火照皇都再哭蒼梧媿左徒舊內謾懸長命縷  
新宮徒貼辟兵符雨夜床頭搜廢篋摩挲老眼王  
家物半面猶存蛺蝶圖空箱尚記霓裳疊蠹粉黃  
侵瓊樹花麴塵香損紫鸞車珠衣五翟悲秦女玉  
墜雙魚泣漢家莫嘆君恩長斷絕比來舒卷仍鮮  
潔乍可襟披宋玉風不堪袖掩班姬月

宣宗御用戢金蟋蟀盆歌

宣宗在御昇平初便殿進覽幽風圖煖閣才人籠  
蟋蟀晝長無事爲歡娛定州花瓷賜湯沐玉粒瓊  
漿供飲啄戢金髹漆隱雙龍果厥雕盆錦香褥伏  
飛着翅逞腰身玉砌軒簷試一鳴性不近人須耿  
介才堪却敵在標輕君正暇豫留深意棘門霸  
上皆兒戲鬪雞走狗謾成功今日親觀戰場利坦  
額長身張兩翼鋸牙鋒鬚如戟漢家十二羽林  
郎蟲達封侯功第一臨真龍起風雲二豪螟蛉

張與陳草間竊伏竟何用竈下廝養非吾羣大將  
中山獨持重却月城開立不動兩目相當振臂呼  
先聲作勢多操縱應機變化若有神禦突彷彿常  
開平黃鬚鱗甲見股栗垂頭折足亡精魂獨身跳  
免追且急拉折攀翻只一擲螭螭塞外蠕蠕走使  
氣窮搜更深入當前拔柵賭先登奪采爭籌爲主  
人自分一身甘瓦注不知重賞用黃金 君王笑  
謂當如此楚漢雌雄何足齒莫嗤超距浪輕生橫  
草功名須致死二百年來無英雄故宮瓦礫吟秋

風一寸山河鬪蠻觸五千甲士化沙蟲灌莽微軀  
亦何有捉生誤落兒童手蟻賊穿墉負敗齒戰骨  
雖香嗟速朽涼秋九月長安城黑鷹指爪愁雙睛  
錦鞬玉繚競馳逐頭鵝宴上爭輸贏鬪鴨欄空舞  
馬死開元萬事堪傷心秘閣圖書遇兵火殿盒宜  
窳賤如土名都百戲少人傳貴戚千金向誰賭樂  
安孫郎好古癖剔紅填漆收藏得我來山館見雕  
盆蟋蟀秋聲增歎息嗚呼漆城蕩蕩空無人哀蜚  
切切啼王孫貧士征夫齏流涕惜哉不遇飛將軍

聽女道士卞玉京彈琴歌

鴛鴦逢天風北向驚飛鳴飛鳴入夜急側聽彈琴  
聲借問彈者誰云是當年卞玉京玉京與我南中  
遇家近大功坊底路小院青樓大道邊對門却是  
中山住中山有女嬌無雙清眸皓齒垂明璫曾因  
內宴直歌舞坐中瞥見塗鴉黃問年十六尚未嫁  
知音識曲彈清商歸來女伴洗紅粧枉將絕技矜  
平康如此纔足當侯王萬事倉皇在南渡大家幾  
日能枝梧詔書忽下選蛾眉細馬輕車不知數中

山好女光徘徊一時粉黛無人顧艷色知爲天下  
傳高門愁被旁人妬盡道當前黃屋尊誰知轉盼  
紅顏誤南內方看起桂宮北兵早報臨瓜步聞道  
君王走玉驄犢車不用聘昭容幸遲身入陳宮  
裏却早名填代籍中依稀記得祁與阮同時亦中  
三宮選可憐俱未識君王軍府抄名被驅遣漫詠  
臨春瓊樹篇玉顏零落委花鈿當時錯怨韓擒虎  
張孔承恩已十年但教一日見天子玉兒甘爲東  
昏死羊車望幸阿誰知青塚淒涼竟如此我向花

間拂素琴一彈三嘆爲傷心暗將別鵠離鸞引寫  
入悲風怨雨吟昨夜城頭吹箏築教坊也被傳呼  
急碧玉班中怕點留樂營門外盧家泣私更裝束  
出江邊恰遇丹陽下渚船剪就黃緇貪入道攜來  
綠綺訴嬋娟此地絲來盛歌舞子弟三班十番鼓  
月明絃索更無聲山塘寂寞遭兵苦十年同伴兩  
三人沙董朱顏盡黃土貴戚深閨陌上塵吾輩漂  
零何足數坐客聞言起歎嗟江山蕭瑟隱悲笳莫  
將蔡女邊頭曲落盡吳王苑裏花

南生魯六真圖歌

并引

山東南生魯官浙之觀察命謝彬畫已像  
而劉復補山水凡六圖其一坐方齋聽兩  
姬搗箏吹洞簫其一焚香彈琴流泉瀉階  
下芴一姬聽倦倚石一會兩少年蹴鞠戲  
毬擲空中勢欲落一圖書滿床公左顧笑  
有髭而秀者端拱榻前若受書狀則公子  
也餘二圖一則画藤橋橫斷壑中非人境  
公黃冠纓拂掉首不顧一則深巖枯木有

頭陀跌坐披布衲卽公也予爲作六真圖  
歌鑱之石上覽者可以知其志矣

明湖夜雨天涯客握手停杯話疇昔人生竟作畫  
圖看拂卷生綃開數尺長身玉立於思翁美人促  
柱彈春風一聲兩聲玉簫急吹落碧桃無數紅笏  
有一姝嬌倚扇聽君手拂湘妃怨抱琴危坐鬚飄  
然知入清徽廣陵散出門逐伴車如風築毬會飲  
長安中歸來閉門閒課子石榻焚香列圖史我笑  
此翁何太奇彈琴蹴鞠皆能爲讀書終老豈長策

乘雲果欲鞭龍螭神仙吾輩儘可學六博吹笙游  
戲作不信晚年圖作佛趺坐蒲團貪睡着丈夫雄  
心竟若此世事悠悠何足齒興來展翫自掀髯櫻  
拂藤鞋自茲始劉君水石謝君圖解衣盤礴工揣  
摩平生嗜好經想像須臾點出雙清臚置身其間  
真快樂聲酒琴書資笑謔縱然仙佛兩無成如此  
溪山良不惡吾聞宗少文曾寫尚子平阮生長嘯  
逢蘇門祖孫妙筆多天真君不見興宗年少香山  
老不及丹青似舊人



後東臯草堂歌

君家東臯枕山麓百頃流泉浸花竹石田書畫數  
百卷酷嗜平生手藏錄隱囊塵尾寄蕭齋鴻鵠高  
飛鷹隼猜白社青山舊居在黃門北寺捕車來有  
詔憐君放君去重到故鄉棲隱處短策仍看屋後  
山扁舟却繫門前樹此時鈎黨雖縱橫終是君  
王折檻臣放逐縱緣當事意江湖還賴主人恩一  
朝龍去辭鄉國萬里烽烟歸未得可憐雙戟中丞  
家門帖淒涼題賣宅有子單居持戶難呼門吏怒

索家錢窮搜廢篋應無計棄擲城南五尺山任移  
花藥鄰家植未剪松杉僧舍得漁舟網集習家池  
官道人牽到公石石礎雖留不記亭榿籬還在半  
無門欹橋已斷眠僵柳醉壁誰扶倚瘿藤尚有荒  
祠叢廢棘豐碑草沒猶堪識堦前田父早歌呼陌  
上行人增歎息我初扶杖過君家開尊九月逢黃  
花秋日溪山好圖畫石田真蹟深谷嗟傳聞此圖  
再易主同時賓客知存幾又見溪山改舊觀雕欄  
碧檻今已矣搖落深知宋玉愁衡陽雁斷楚天秋

斜暉有恨家何在極浦無言水自流我來草堂何處宿挑燈夜把長歌續十年舊事總成悲再賦閒愁不堪讀魏寢梁園事已空杜鵑寂寞怨西風平泉獨樂荒榛裏寒雨孤村聽暝鐘

汲古閣歌

嘉隆以後藏書家天下毘陵與瑯琊整齊舊聞收放失後來好事知誰及比聞充棟虞山翁里中又得小毛公搜求遺逸懸金購繕寫精能鏤板工繇來斯事推趙宋歐虞楷法看飛動集賢院印校讐

精太清樓本裝潢重損齋手跋爲披圖蘇氏題觀在直廬館閣百家分四庫巾箱一幅盡三都本朝儒臣典制作累代縹緗輪秘閣徐廣雖編石室書孝徵好竊華林略兩京太學藏經史奉詔重脩賜金紫高齋學士費塗錢故事還如寫黃紙釋典流傳自洛陽中官經廠護焚香諸州各請名山藏總目難窺內道場南湖主人爲嘆息十年心力恣收拾史家編輯過神堯律論流通到羅什當時海內多風塵石經馬矢高丘陵已壞書囊縛作袴復驚

木冊摧爲薪君家高閣偏無恙主人留宿傾家釀  
醉來燒燭夜攤書雙眼摩挲覺神王古人關書借  
三館羨君自致五千卷又云獻書輒拜官羨君帶  
索躬耕田伏生藏壁遭書禁中郎秘惜矜談進君  
獲奇書好示人雞林巨賈爭摹印讀書到死苦不  
足小學雕蟲置廢簏君今萬卷盡刊訛邢家小兒  
徒碌碌客來詩酒話生平家近湖山擁百城不數  
當年清秘閣亂離踪跡似雲林

送志衍入蜀

去年秋山好君走燕雲道今年春山青君去錦官  
城秋山春山何處可爲別把酒欲問橫塘月人影  
將分花影稀鐘聲初動簫聲咽我昔讀書君南樓  
夜寒擁被譚九州動足下床有萬里駑馬伏櫪非  
吾儔當時東國賤男子傲岸平生已如此今朝乘  
傳下西川賓戶巴人負弓矢黃牛喘怒淚銀濤崩  
剝蒼崖化迹勞石斷忽穿風雨過山深日見魚龍  
高江頭老槎偃千尺接手猿猱擲橡栗雲移斷壁  
層波見月上危灘遠峰出縹緲樓臺白帝城月明

吹角唱花卿棧連子午愁烽燧水落東南洗甲兵  
摩訶池上清明火蹲鴟山下巴渝舞豈有居人浣  
百花依然風俗輸銅鼓有日登臨感客游楚天飛  
夢入江樓五湖歸思蒼波濶十月懷人木末愁別  
時曾折闥門柳相思應寄郢筒酒末下鹽豉誰共  
嘗蜀中蒟醬君知否愧予王粲老江潭愁絕空山  
響杜鵑乞我灑西園數畝依君好種灌溪田

清風使節圖吾郡先達徐仲山中丞以武部  
郎奉命封鄭藩當時諸賢贈行作也中丞於

先叅政爲同年勿齋先生屬予記其事勿齋  
勅使益府予亦有大梁之役兩家子弟述先  
志揚祖德其同此君歲寒矣

豫章夾日吟高風歲久蟠根造物功吾祖 先朝  
豫州牧早年納節東溪翁舅家仲珪擅画竹歸老  
山莊看亦足至今遺墨滿縹緗掛我青溪草堂曲  
此圖念出同年生當時意氣稱徐卿非買玉環思  
適鄭暫持翠節解司兵吾祖一麾方出守不獲諸  
公同載酒把臂曾看韋曲花贈行不及漳河柳誰

人尺幅寫篋管影入清郎四牡裝千里故園存苦  
節百年舊澤養新篁其今皇命使臨江右絳旛人  
識中丞後江左龍孫篠簜長淇園鳳質琅玕瘦嶰  
谷千尋鸞鳥呼彭城一派雨風多願將十丈鵝溪  
絹再作青青玉筍圖

梅村集卷第四 終

新草夾月高風激人欲外張聲心書臨去時  
悲壯以盡其詞此卷盡矣  
陳跡盈秋千雨百大泉之外雨寒千華散去

